

NETEFATSO EA THOMO

 Le ka lula fatše. Eona, ke ne ke hapuoe haholo, ke mametse bopaki, ka ba ka lebala ho hlokomela letšoelle. Ke thabo ho ba mona bosiung bona tšebeletsong ea Morena, ho kopana le Moena O'Donnell. 'Me ke ne ke shebile sena, ke etsetsa litholo le limumu lipontsho tseo.

² 'Me moena o ne a ntse a mpolella, mofumahali bosiung bo bong ea neng a le setulong sa mabili, ea neng a na le mofetše o moho, hoo ka mokhoa *oo*, a bileng a folisoa ka mohlolo a ba a tsoa setulong sa mabili, mofetše o nyametse, 'me o nakong e monate feela. 'Me ke ile ka lebohela seo haholo.

³ Ho hotle ho ba mona bosiung bona, Moena O'Donnell, le ho phutheho e ntle ena ea batho. Holimo mona ho . . .

⁴ Na ee ke Tempe kapa Mesa? [Moena o re, "Tempe."—Mohl.] Tempe. Tempe. 'Me joale e holile eohle, ka hona, tikolohong ena, esale ke tlohile naheng ena, lilemong tse ka bang mashome a mararo le metso e mehlano tse fetileng, ebile ke batla ke sa tsebe tulo.

⁵ 'Me ho monate ho ba ka tlung ea Morena. Ha ke kena, e—e ngoanana e monyenyan e ne a eme mono, e leng Mofn O'Donnell e monyenyan, le—le mothoana . . . banana ba babeli hape, 'me ba ntse ba qoqa le 'na monyako. 'Me—'me ka re, "Ho thoe ho tla fihla serame bosiung bona mona." Ka re, "Lona batho ba boroa le batla le hoamme holimo tlase mona." Ka hona mofumahali e mong a sheba e mong, ho re, be, o ne a tsoa Iowa, 'me e mong o ipoletse a tsoa Minnesota. 'Me ka re . . .

⁶ Pele ho moo, ka re, "Ha ke tloha hae e ne e le leshome le metso e mene tlasa ntlha ea khoamo." Ngoanana enoa ea tsoang Iowa, kapa Minnesota, e mong, o itse, be, e ne e le mashome a mahlano le metso e 'meli tlas'a ntlha ea khoamo ha a tloha. Ha ke re pha, ke ne ke le motho oa boroa. Mashome a mahlano le metso e 'meli tlasa khoamo. Haeba re ka fihla mono naheng ea heso, ehlide re ka hoama. Mashome a mahlano le metso e 'meli tlasa khoamo, ho batla ho bata, ha ho joalo, ho bata hakaalo?

⁷ Joale, re nka ona e le monyetla o moholo ho ba le lona mona, bosiung bona, nako ena ea kopano pejana ho seboka sa Borakhoebo. Hoo, seboka se tla qala Labone lena le tlang, tlase Ramada. Se East Van Buren Street. 'Me ruri re le mema bohle. Ho tla fihla libui tse ling tse babatsehang sebokeng. 'Me Moena Velmer Gardner ke e mong eo ke mo tsebang, 'me hape ke nahana ho tla bua ba bang ba borakhoebo. 'Me ke—ke lumela Jim Brown e ne e le e mong oa bona, le Ngk. Reed, 'me, ehlide, Moena Rose kamehla o teng mono, Moena Osteen ea tsoang Texas.

⁸ 'Me ka hona ke na le bonneta ba hore le tla ba le nako e monate ea ho theohela mono. Re hlile re thabile, ho emela seboka sena. Ho t̄sepa se tla it̄šoanelā le mohla o mong, e mpa se le seholoanyane. 'Me le hopole, tloo u le mong, tloong bohle. Mang le mang o a mengoa.

⁹ 'Me hape, haeba e le thato ea Morena, ke nahana hore ke khethetse nakoana ka thoko ba tla ntumella ho leka ho bua hape mane—mane borakefeseng ba Moqebelo hoseng, kea kholoa, le kopanong ea Sontaha thapama, ke ho re, ha Morena a ratile. 'Me ka hona ke nka e le monyetla o moholo, ho ema le banna bao ba baholo le—le ho pakela Morena, bakeng sa Morena, ke rialo.

¹⁰ 'Me ke rapela Molimo ho hlohonolofatsa Moena O'Donnell mona, le sehlopha se khabane sena sa Bakreste mona, ba jakileng, ba emetse Morena. Hoba, ruri, re bajaki. Re baeti le bafeti. Lena ha se lehae la rona. "Empa re batla Motse oo Mohahi le Mothei e leng Molimo." 'Me re mpa re le bajaki feela. Ha re... Lena ha se lehae la rōna. Re mpa re feta le ka mona. 'Me e hlahisa monyetla o moholo haholo.

¹¹ Mohlomong ha nka e hlophisa *tjena*, moena. [Moena Branham o lokisa maekrofounu—Mohl.] E hlahisa monyetla o mokakang. Na hoo ho betere? Uh-huh.

¹² Ke monyetla o moholo haholo ho ba mona, ho khetjhela nako ena ea botsoalle le lona Bakreste ba khabane. 'Me eitse ha ke utloa hore ke filoe monyetla oa batho bana ba fapaneng, hore likereke tse neng li nthumella, li ne li ntumella ho bua ka ho tsona, pejana ho kopano, ka nahana, "Ke nako e babatsehang ho hhalosa likananelo tsa rōna kamoo mekhatlo e fapaneng ena e sebelisaneng linakong tse fetileng, boromuoeng ba ka lefatšeng ka bophara; Assemblies of God, Foursquare, Jesus Name, Church of God, le tse ngata, le tse ikemetseng lefatšeng ka bophara, kaofela ha bona ba kena e le ntho e le 'ngoe, le tlotlisong ea Molimo." 'Me esale Molimo o etsa lintho tse khōlō har'a bona, 'me re motlotlo. 'Me hape ho khutlela morao moo re ka hhalosang tsa rona—mehopolo ea rona le likamano tsa rona.

¹³ 'Me joaleka ha ke ne ke qotsa maobane bosiu, mona Fellowship Tabernacle moo re bileng le t̄šebeletso teng; 'me ka ba le motsoalle oa khale, Moena Bosworth. Bongata ba lona le hopola Moena Bosworth. 'Me o ne a tloaetse ho mpolella, a re, "Moena Branham, na u a tseba hore bolekane ke eng?"

Ka re, "Ke hopola joalo, Moena Bosworth."

¹⁴ Ho re, "Ke mathaka a mabeli ka sekepeng se le seng." Ka hona, e, o ne a qabola. 'Me kamehla ke ne ke rata seo, "Batho ba babeli ka sekepeng se le seng." Ka hona, kamehla, kobo e saroloha hanyenyane ho thusa thaka le leng, u a tseba, 'me ho hotle haholo.

¹⁵ Joale, ruri ke t̄sepa le tla nthapella. 'Me 'na, kajeno lena, ke rometse mora oa ka nakoana e fetileng ho bona haeba motho

a batla ho rapelloa. Ruri ha kea tlela ho tšoara litšebeletso tsa pholiso, haese feela, oh, ho bua. Mang le mang o ntseba ke se moreri, ea kileng a nkutloa. Empa ha ke na thuto, 'me ha ke khone ho rera. Empa ka—ka tloaelo ke rapella bakuli. 'Me—'me ka ho tla, ka tloaelo batho ba phutheha ho rapelloa. Ehlile, batho ba kulang ba bangata. Empa ka Sontaha ha ke a bua letho ka eona, hoba nka bitsa batho ho tsoa likerekeng tse ling, ho tla likerekeng tse itseng tsena tseo ke neng ke tla ba ho tsona ka Sontaha, ho rapelloa, 'me ka nahana taba eo e ka utloisa tse ling tsa likereke bohloko, ka hona ka e tlohela feela.

¹⁶ Joale, maobane bosiu ke tsebisitse re tla rapella bakuli holimo mona. 'Me ha Molimo o ratile, re tla khona mohlomong hosane bosiu kapa bosiu bo hlahlamang, bo bong, ho rapella bakuli hape. Ka hona ke tšepa ho tla loka, hore Morena o tla folisa bohole ba kulang mona bosius bona.

¹⁷ 'Me ke a u bolella, motoalle oa ka ea khabane, holima lintho tsohle ke tšepa bakulisoa-ke-sebe ba tla folisoa bosius bona. Le a bona? Ha Morena a ka u folisa boloetse ba hau, mohlomong, ha u ka phela nako efe kapa efe, o tla kula hape. Le a bona? Empa Bophelo Bosafeleng ke seo re se batlang joalo, ke hantle, hoba eo—eo ke pheko ea mannete. 'Me ke a tšepa ha motho a le teng mona e seng molumeli ho Kreste, a tla fetoha molumeli bosius bona.

¹⁸ 'Me ha u le teng mona 'me u eso tsoaloe labobeli, kapa ho amohela Moea o Halalelang, ho tlatsoa ka Moea o Halalelang, ke tšepa bona e tla ba bosiu boo ntho eo e tlang ho etsahala.

¹⁹ Ha u le mokoenehi, ke tšepa Morena Jesu o tla etsa ntho ea 'nete bosius bona, ho lona mona, le ho futhumatsa—futhumatsa pelo ea lona tjena, le khutlele selekaneng sa Hae hape, hobane O ntse a eme, ka matsoho a phutholotsoen, ema.

²⁰ Nkile ka rera theronyana ka mohla o mong, koana Angelus Temple, mohla ba neng ba keteka jubilee ea pentekosta, lilemo tse mashome a mahlano tsa jubile. Ke hopola bosiu ba pele, mohla ke rerileng ka khalalelo, eo ke lumelang ho eona. 'Me ke batla ke sa ikemisetsa, empa, u a tseba, ho khaola batho feela, le kamoo batho ba neng ba tlohetse pentekosta ea mantlha. Joaloka mohla, qalong ea tšimoloho, mohla Moea o Halalelang o neng o tšoloha, kamoo batho bao ba phetseng bophelo, seo ba se entseng, lilemong tse mashome a mahlano tse fetileng!

²¹ Ke itse, "Oh, re tsoa hole. Re fumana mekhatlo e meholo ho tloha mohlang oo, meaho e meholo e metle, le bareri ba bentšitsoeng haholo." Ka re, "Ke a ipotsa haeba re sa na le lehlohonolo la pentekosta leo re kileng ba le lona?" Le a bona? Le a bona? Ke itse, "E ne re, likhaiseli tsa rona—likhaiseli tsa rona li ne li tla kerekeng, e be lihlong ha e mong oa bona a le moriri o mokhutšoane, ho ferefe, kapa ntho e kang eo. Empa, hoo, ba batla ba lahlela marapo kae-kae."

²² 'Me motsoalle oa ka e ne e le eo, etsoe, le eena ke moena oa mopentekosta, 'me bongata ba lona le ka mo tseba. Lebitso la hae ke William Booth-Clibborn. Be, bongata ba lona lea mo tseba.

²³ 'Me Moena Booth ke motsoalle oa ka e moholo, feela ha re lumellane ka lithuto, hobane ke e—e motho ea nahanang ka Calvinistic ho fihlela a nahana ka nqane ho 'na. Ka baka leo nka nahana feela Bocalvinise ha feela bo sa le ka Bibeleng. Le a bona? 'Me ha bo tsoela kantle mono, bo ka nqane ho mohopolo oa ka; ha ke sa khona ho nahana hape.

²⁴ Ka hona ke 'mona kalaneng. Ka baka leo eitse ha re tloha kalaneng, a kopana le 'na ka ntle mono, 'me a ncheba. A re, "Tsk, tsk, tsk, tsk. Ha u soabe. Molaetsa u eang ka molao. U tsebile hantle ho feta moo." A mpa a ntabola feelatš, ua tseba.

²⁵ 'Me letsatsi le hlahlamang ka rera ka *Konyana Le Leeba*. 'Me ka hona Morena a hlile a hlohonolofatsa molaetsa o monyenyan, oa khale o khaohaneng. 'Me eitseha ke tsoa, keha a ntse a pikitla mahlo a hae, le a tseba. A re, "E ne e le monate, empa e nyatseha haholo." E nyatseha haholo! Ke itse... "E ne e lokile," a re, "empa e nyatseha haholo." O ne a le joalo... A ka rera ka lipuo tse supileng, le a tseba, ka hona puo ea ka e nyenyan ea Kentucky e ne e nyatseha ho eena mekhoa ea ka e khabane e ke ke ea mo ama, nqa efe, le a bona.

²⁶ Kahoo ke lokela ho bua joalo: e a nyatseha. Ke lumela Evangelie le bonolo. Bibele e boletse, "E nyatseha hoo sethoto se sa lokelang ho hloleha." Le a bona? Ka hona feela—feela sohle seo u tlamehang ho se etsa ke ho hopola ABC. Na u tseba seo se emetseng? Lumela Kreste Kamehla. Ke phetho seo u tlamehang ho se etsa. Ke phetho. ABC, 'me u hlile u rutehile, ho ea ka 'na.

²⁷ Ka hona, joale, batho ba teng ba emeng mono, 'me kea e ananela. 'Me joale ha kea tiela ho—ho rera. Ke tlil'o rapella bakuli. Empa, ho haha motheoniana, ho bua ka Mangolo.

²⁸ Ke kholoa ke rerile, hoseng ho hong, ha Moena Fuller. Ke e bitsitse Life Tabernacle, kapa ho hong. [Moena o re, "Faith Tabernacle."—Mohl.] Faith Tabernacle, kea kholoa nkile ka li tšoara bosiu bo bong. Pele ke fihla kerekeng, molisa kapa motho a nthomeletse polelo, ho re, "Helang, batho bana ba rata ho robala bosiu." Kahoo ke ka seoelo ke rerang lihora tse fetang tse tšeletseng kapa tse robeli, kahoo ha ho mohla ke fetang moo. Ka hona, koana ha Moena Outlaw, bosiu bo bong, ka hopola a tla tlameha ho nkhula sefaleng. Ka hona molemo ho 'na ke ho iketla bosiung bona, holimo mona, 'me ba bang ba lona ba tsoa hole.

²⁹ Joale, ho hotle ho ba mona. 'Me pele re atamela Lentsoe joale, ha re buisaneng le Mongoli.

³⁰ Motho o buile, nakoana e fetileng, ha ke le koana Fort Wayne Gospel Tabernacle, B. E. Rediger. E ne e le monna e moholo oa Molimo, ea shoeleng lilemo tse fetileng, Morena o hlile a hlohonolofatsa moena eo. E ne e le monna ea matla oa tumelo.

Ke ne ke le moshanyana, ke ne ke tloaetse ho lula le Paul Rader mono, 'me ke le moreri e mocha.

³¹ 'Me eaba morali oa Moena Rediger o lahleheloa ke kelello, a hlanya. Ka tsatsi le leng keha a khutletse mokhorong oa mashala tlase mono, hoseng ho hong ha Paseka. 'Me ba mpolella, "Ngoanana ea itseng oa lehlanya, morao koana ka kerekeng." 'Me ke sa tsoa tsoa letšolong. Ka khutlela morao mono, 'me ka fumana e le morali oa B. E. Rediger, 'me Khaitseli Rediger, a lutse mono. Pelō ea ka ea batla e ema.

³² 'Me keha a eme mono, a ntse a kama moriri oa hae o molelele o motle ka menoana ea hae, a hooeletsa, "Nickel ke nickel. Penny ke penny." Mosali e motle e mocha. Eareha . . .

³³ Ho khumama fatše mono, le ho re, "Morena Jesu, mo hauhele." E ne e le eona. O nyetsoe 'me o na le bana ba babeli kapa ba bararo joale, ba khabane feela. Ua bona? 'Me mohau o mokaalo, le o nyatsehang.

³⁴ Rona—re sheba ka ntle koana feela 'me re Mo tlola holimo, ka 'nete, ho leka ho fumana se haufi le rona joalo hantle hakana. Rona, habonolo feela; lumelang; e bang le tumelo; le se belaеle.

³⁵ Ke ne ke tšoere kopano mono. Ke lebala moena oa Pentekosta ea alosang tabernakele joale. 'Me ke ne ke tšoere kopano mono. 'Me ho e-na le sefela sena, *Lumela Feela*, se ngotsoe ke Paul Rader. 'Me e ne e le Mokreste ea khabane le moromuoа e moholo oa letsatsi la hae. Ke ne ke lutse phaposing e nyenyane ea ho bala. 'Me ba ntse ba bina, bakeng sa ka ho tla kalaneng, ka ntho eo; etsoe ba entse joalo, lefatše ho pota. 'Me ke—ke ne ke lutse mono, 'me kea tseba hantle phaposing eo ea ho bala ke moo Paul a fumaneng pululelo ea ho ngola sefela. 'Me ke sena se fihla, *Lumela Feela*. Oh, ha hotetsa pelo ea ka feela!

³⁶ Hoba tšebeletso e fete, ho bile le lintho tse ngata tse kholo tseo Morena oa rona Jesu a li entseng kopanong. Ke ile ka khutlela mono, ho ea nqane ho sebaka, 'me ke ne ke eme.

'Me eaba ho kena monna. A re, "Mongh. Branham?"

'Me ka re, "E, monghali."

³⁷ A re, "Ke rata ho u utloa u bua, empa," ho re, "grama ea hau e mpe haholo."

Ka re, "E, monghali. Ke tseba seo."

A re, "U bua lintho tse ling tse nyarosang ka ho fetisisa."

³⁸ Ka re, "E, monghali. Ke hantle." Ka re, "Ha kea fumana monyetla oa ho thola thuto." Ka re, "Ho holisetsoa lелapeng la ba leshome. Batsoali ba bafumanehi, 'me ka tlameha ho ea sebetsa ke le monyenyanе, ho thusa ho hlokomela lелapa lena. Ha kea fumana le thuto ea melao ea puо."

A re, "Ha se boitatolo joale. U monna."

³⁹ Ke itse, “Joale, ke phathahane haholo ka mosebetsi oa Morena, ha ke na monyetla.”

⁴⁰ A re, “Leha ho le joalo, u ka khona ka ngollano.” Ho re, “Joale, ho tea mohlala, bosiung bona, kantle mane, u itse, ‘Lōna batho bohle ba fetang pulpit ena.’”

⁴¹ Ka re, “Be?” Ke ne ke sa tsebe phapang ea letho. Ka re, “Na ha se seo e leng sona?”

⁴² “Ruri lekhale.” Ho re, “U tlamehile u be u itse ‘pulpit.’” Ka re . . . A re, “Uena . . .”

⁴³ Ka re, “Be, ho lokile.” Na ebe ke qapolisitse ka phoso, kapa ho hong.

A re, “Be, u mpa u sa tsebe Bibebe ea hau.”

⁴⁴ Ka re, “Be, hoo—hoo ho ka ba joalo, empa ke tseba Mongoli hantle haholo.” Ka re, “Ke eona.”

⁴⁵ Ua tseba, ha E re, “Ho tseba Buka ea Hae.” Empa, “Ho Mo tseba ke Bophelo.” Ua bona? Satane o tseba Lentsoe la Hae. Empa, “Ho Mo tseba, Mongoli oa Lentsoe,” ua bona.

⁴⁶ Na re ka inamisa lihlooho tsa rona joale re sa bua le Eena ka boikokobetso ba rona. Joale, ka lihlooho tsa rōna tse inamisitsoeng, lipelō tsa rōna, ka eona, na ebe kōpo eikhethileng eo u ratang re e hopole e le teng? Phahamisetsa letsaho la hau ho Molimo. Ka pelōng ea hau feela tšoara kōpo ea hau, ho re, “Morena, ke hloka pholoso. Ke hloka pholiso. Ke—ke hloka ho hong.” Molimo o tla utloisia.

⁴⁷ Ntata rōna oa Leholimō, re sa atamela Boteng ba Hau bo halalelang bosiung bona, ka Lebitso la Morena Jesu, re tla ka Lebitso la Hae hobane O boletse, ho re, “Ha le kopa Ntate eng le eng ka Lebitso la Ka, Ke tla e etsa.” Joale, rea tseba re ke ke ra tla ka lebitso la rōna. Re ke ke ra tla ka lebitso la kereke ea rōna, ka lebitso la moruti oa rōna, kapa ka lebitso la mokhatlo oa rōna, ‘me re lebelle ho utluoa. Empa re na le kholiseho ea hore ha re tla ka Lebitso la Morena Jesu, hore O re tsepisitse hore re tla utluoa.

⁴⁸ ‘Me kea rapela, bosiung bona, Ntate oa Leholimō, e re re sa phuthehile mona tabernakeleng e nyenyane ena e khethetsoeng tšebetso ea Hau, etsoe mohlanka oa Hau, Moena O’Donnell oa rōna, ea lisang nakong ena, ho alosa linku tse jakileng karolong ena ea naha, ke rapella mahlohonolo a Hau holim’ a moruti enoa le holim’ a lelapa la hae, holim’ a kereke le linku tsohle tse fulang makhlulong mona.

⁴⁹ Ke rapella kereke e ’ngoe le e ’ngoe e emetsoeng mona, bakeng sa batho bohle. ‘Me bao e seng Bakreste ke ba rapela bosiung bona ho fetoha Bakreste. Ke rapella borakhoebo ba leng teng mona, Moena Rose, Moena Williams, le ba bang ba bangata, bakeng sa seboka se tlāng tlase mono. Hoo, phulueho e nyenyane ena ea matsatsi a ’maloa ho haola le Phoenix, le

Tempe, le Sunnyslopes, le ho haola le na ha mona, e tla ba sesosa sa Bakreste ba bangata ho itšoarella bocha, ba bangata ba khelohileng ba khutlele ho Molimo, baetsalibe ba bangata ba tle ho Kreste, bakuli ba bangata ba folisoe. Aba sena, Ntate.

⁵⁰ Bua ka rona, ka Lentsoe bosiung bona, 'Nete. "Lentsoe la Hau ke 'Nete." Folisa bakuli bohole le ba hlomohileng, ka nqa ea nama le ea moea 'moho. Matsoho ana a phahameng a na le tlhoko, Morena, 'me ke rapela hore U tle o abele tseo tsohile bosiung bona, ka Jesu Kreste, Morena oa rōna. Amen.

⁵¹ Joale, bongata ba lona le rata ho bala Mangolo le bao ba a balang. Ke lakatsa ho bala libakeng tse peli bosiung bona. E 'ngoe ea tsona e fumanoa ho Mareka, khaolo ea 16, 'me re tla qala ka temana ea 14. 'Me e 'ngoe e fumanoa ho Santa Johanne. Kapa, ke hopola e le hona moo ke ngotseng teng. E reng ke bone, pele. E. Santa Johanne 14:12 ke hona moo Lengolo la bobeli. 'Me joale ho Santa Mareka, khaolo ea 11 le ho qala ka temana ea 14. Le Santa Johanne 14:12. Joale re batla ho mamela palo ka hloko, hobane Lentsoe la Molimo ke lona leo re batlang ho le utloa. Pele, Mareka 16.

Eitse hobane a itlhahise ho ba leshome le motso o mong ba lutse lijong, a ba nyatsetsa ho se lumele le bothata ba pelō, hobane ba ne ba sa lumele ba 'moneng ha a se a tsohile bafung.

'Me a re ho bona, E-eang ka lefatše lohle, 'me le bolelle babopuoa bohole Evangelī.

Ea lumelang a kolobetsoa o tla bolokeha; empa ea sa lumeleng o tla ahloloa.

'Me mehlolo e tla tsamaea le ba lumelang ke eona ena; Ka lebitso la ka ba tla leleka batemona; ba tla bua ka lipuo tse ncha;

Ba tla tšoara linoha; 'me ha ba noele ntho e bolaeang, e ke ke ea ba etsa letho; ba tla bea matsoho holima ba kulang, . . . ba tla fola.

Kahoo . . . hoba Morena a bue le bona, a nkeloa leholimong, 'me a lula ka letsohong le letona la Molimo.

'Me ba tsoile, 'me ba rera hohle, Morena a sebetsa le bona, ho tiisa lentsoe ka lipontšo tse latelang. Amen.

⁵² Johanne 14:12, Jesu o a bua.

Kannete-nete, ke re ho lona, Ea lumelang ho 'na, mesebetsi eo ke e etsang o tla e etsa le eena; 'me o tla etsa mesebetsi e meholo ho ena; hobane ke ea ho Ntate.

⁵³ Ke—ke rata ho qotsa therō, ha Morena a ratile, ka Netefatso Ea Thomo, joalo ka mongolo, le ho bua feela. Ke na le Mangolo a 'maloa le lintlha tse ngotsoeng, tse ka re thusang tsamaong joalo. Joale: *Netefatso Ea Thomo*.

⁵⁴ Joale, ke hopola ntho efe e tlameha ho netefatsoa. Ha u haha ntlu, e tla tlameha ho hahuoa ho latela melao ea kaho, kapa ba ke ke ba omela hore ntlo e hahoe; 'me u tla tlameha ho e heletsa hape, ho e haha hape.

⁵⁵ 'Me kea nahana, hape, haeba u theoha ka tsela, 'me, kapa kantle mosebetsing oa hau, 'me e mong a tle ho uena a re, "Ke ofisiri e kabelong ea 'muso oa United States. Joale kea u hlahlela kea u tšoara, ka lebitso la ofisi ea ka." Joale, u na le tokelo ea ho bolella monna eo . . .

⁵⁶ Haeba u ne u mo shebile, o apere unifomo, 'me o qhoaetse beche. Seo koana ha se mo etse marshale oa United States. Motho ofe ea bolotsana a ka apara seo. U ka reka beche mona, e itšoanelang, levenkeleng la thepa ea theko e tlaase. E-ea thekisong efe ea thepa ea letsoho labobeli 'me u fumane unifomo, kapa eng. Seo ha se mo etse marshale oa United States.

⁵⁷ Ho itsebahatsa, o tlameha ho ba le lipampiri tsa hae tse manehiloeng tiiso holima tsona, hore a netefatse polelo ea hae ea hore ke marshale oa United States. Kapa, ha se letho pele a netefalitsoe ho ba seo. O netefalitse thomo ea hae, 'me o e etsa ka setamente se tiisitsoeng, phatlalatso, ho bontša hore monna enoa o hlapančitsoe. 'Me o entsoe . . . Thomo ea hae e tiisitsoe ka tiiso ea United States, 'me hape holim'a lebitso la hae. 'Me hoo ho mo etsa ke hona, hore na o qhoaetse beche, kapa o apere yunifomo na, ha feela a tšoere pampiri ena, ke marshale, 'me ke thomo ea hae eo. Beche feela le junifomo li ke ke tsa sebetsa.

⁵⁸ Re fumana, khafetsa, sesoleng. Ke utloile baena besō le bongata ba bao mose ho maoatle. Hoo, hangata, Majapane le Majeremane, le linaha tse ling lisele tse neng li le khahlano le rōna ntoeng, haeba ba thonaka lesole le shoeleng, joale ba nka e mong oa masole a bona ao junifomo e mo lekanang, khele, a ka etsisa lesole la Amerika. 'Me o ne a tlameha ho tsebahatsoa ka nepo, ho seng joalo ba ke ke ba lumela junifomo ea hae kapa beche ea hae a e qhoaetseng molaleng oa hae. O ne a tlamehile ho nepahatsoa hore ke lesole la Amerika, hoba e ne e ka ba sehloela habonolo. Sehloela sefe se theko e tlaase se ka apara junifomo ea United States.

⁵⁹ 'Me re fumana hoo mehlahloeng eohle ea bophelo. Re fumana seo, kajeno, mohlomong seterateng. Re utloa batho ba bangata ba re ke Moamerika.

⁶⁰ 'Me mona nakoana e fetileng, ho tsoa ho Quartermaster ea neng a lula Jeffersonville, ke ne ke tsamaea hoseng ho hong, ke ntse ke hlahloba. 'Me ho ena le-le thaka le apereng hantle le theohang ka seterata, sikara e kholo molomong oa hae, mosebeletsi oa 'muso. 'Me a ncheba, hoseng haholo, a apere liborele tsa letsatsi. Ka re, "Lumela, monghali."

A ncheba, le ho re, "Huh!" A qala a tsamaea.

⁶¹ Joale, ka nahana ka bonna, ha kea lokela . . . ha kea lokela ho bua letho, empa pelong ea ka, hantle-ntle e ne e se Moamerika, hoba melao ea Amerika ha e a theoa holima nyee e kang eo. Ho lokile, Botsoalle, le mamello, mohau.

⁶² 'Me joale, le a bona, bohole ba phelang Amerika ha se Maamerika. Lihloela li teng, makomonisi, le ntho eohle esele. 'Me mokhoa o le mong feela oo ba ka tsejoang ka 'nete, hore ba lokile kapa che, ke ka tšoanelo ea bona, se kahara bona, haeba pelō ea bona e le Amerika kapa e le bukana ea bona feela. Ua bona?

⁶³ E itšetlehile holim'a seo e leng sona. Molotsana ofe a ka—a ka ba le seo ho thoeng ke mangolo a bopaki, 'me e ntse e se sengoloa sa 'nete.

⁶⁴ Ke ka hona ke lumelang hore bohole bao re teanang le bona, ba ipitsang Bakreste, manqosa a romiloeng ho tsoa Leholidong, ba lokela ho ba le netefatso ea thomo ea bona. Ke lumela netefatso ea thomo ea bona e lokela ho ba teng.

⁶⁵ Joale, mona re elella Jesu a boletse, ho Mareka khaolo ea 16, hore bohole bao A ba rometseng ka thomo ba tla jara netefatso. "Mehlolo e tla tsamaea le ba lumelang ke eona ena."

⁶⁶ Joale, ha O a re, "Bao, mohlomong e tla latela, kapa e ka latela."

⁶⁷ O itse, "E-eang ka lefatše lohle." Joale, motho e mong o batla ho khaola thomo eo, lilemong tse likete tse peli tse fetileng. Empa O itse, "Lefatše lohle, ho 'mopua e mong le e mong. Mehlolo ena e tla tsamaea lefatšeng lohle, le ho sebopua se seng le se seng." Le a bona? 'Me eo e ne e le lipontšo tse neng li tla latela, ho pakahatsa boitsebiso.

⁶⁸ Bibele e boletse, "Evangeli ha e a tla ho rona ka polelo feela, empa ka matla, liponahatsotso tsa Moea o Halalelang." Ka mantsoe a mang, "Ke Moea o Halalelang o nkang Lentsoe la Molimo le ho Le bonahatsa." Ua bona? 'Me, ka mantsoe a mang, mokhoa o le mong feela oo lipontšo tsa Mareka 16 li ka salang molumeli morao ke hore Moea o Halalelang ka Sebele o nke Lentsoe la Molimo le ho le bontša batho. Ke eona. Joale, tumelo e phelisa Lentsoe leo. Ua bona?

⁶⁹ Lentsoe ke Molimo. "Lentsoe le ne le le tšimolohong, 'me Lentsoe le ne le le ho Molimo, 'me Lentsoe e ne e le Molimo." 'Me eaba Jesu o re, "Ekare ha le lula ho 'Na, le Lentsoe la Ka ho lona, kopang seo le se batlang, le tla se etsetsoa." Le a bona? Hoo ke ho lula le Kreste Lentsoeng. U se ke ua ea ho le letona kapa le letšeħali, lula le Lona hantle. Le a bona? 'Me ka 'nete Leo ha se lentsoe la hau ke hona, Ke Lentsoe la Hae, 'me Lentsoe la Hae le na le matla le bolaoli ka mora Lona. Joale, 'me haeba Moea o Halalelang, e leng Lentsoe la Molimo, kapa matla a Lentsoe la Molimo, o kena ka Lentsoe la Molimo, O tla pepesa Lentsoe la Molimo.

*...E-eang ka lefatše lohle, le bontše 'mopua e mong
le e mong Evangeli.*

*'Me ea lumelang a kolobetsoa o tla bolokeha; ...ea sa
lumeleng o tla ahloloa.*

*'Me mehlolo e tla tsamaea le ba lumelang ke eona
ena; ...*

⁷⁰ Malulo a matle hakakang ao! Hola re ka teba joale ra mamela: tseo e ne e le litšoanelo tse neng li tla itšoarella ho monna e mong le e mong ea tsoileng a bolela Evangeli. 'Me ha ho motho ea nang le tokelo ea ho rera Evangeli kantle ho kolobetso ea Moea o Halalelang. Jesu a ke ke a lumella Petrose, Jakobo, Johanne, mang feela oa bona, ho rera Evangeli ho fihlela ba eme motseng oa Jerusalema ho fihlela Moea o Halalelang o ba tlatsa, hobane ke Moea o Halalelang o etsisang Lentsoe la Molimo ho nka khato. Ua bona?

⁷¹ Joale, lona Lentsoe leo le sa phela bosiusing bona joaloka ha Le entse ka horen eo Le builoeng ka eona. Le a bona? Eona... Sohle seo re se hlokang ke Moea o Halalelang ka mora Lentsoe, ho Le nkisa khato le ho bonahatsa matla ao Le a tšepisitseng. Lehlohonolo le leng le le leng leo Molimo a le tšepisitseng, sohle seo A se buileng, se ka khutlisetsoa bophelong ha Moea o Halalelang o le ka morao ho Lentsoe, hobane ke eona ntho e hlasimollang Lentsoe le ho Le neha Bophelo. Le a bona? 'Me joale re a tseba hoo ho lokile.

⁷² Jesu o itse, "Mehlolo ena e tla tsamaea le sohle seo Ke se romang." Ba bang, ba hana. Ke phetho. Ruri.

⁷³ Mosalumele ofe feela, mosomi ofe feela oa Lentsoe, a ka tla ka boitsebiso ba phutheho e itseng ea kereke, mokhatlo o itseng o entsoeng ke motho kapa ho hong, ho re, "Ke Mopresbeteriene, Moluthere, Baptise," e ka bang eng. O ne a ka itsebahatsa ha bonolo kopanong ea eona kereke eo ea mokhatlo, ka baka la mangolo a hae. Empa litšoanelo tsa hae li tsoa mokhatlong o bopiloe ka khopolo 'me e seng Lentsoe la Molimo.

⁷⁴ Empa Molimo, haeba a rometsoe ke Molimo, "Mehlolo e tla tsamaea le ba lumelang ke eona ena." Ua bona? Jesu o itsalo. Ua bona? Ua bona?

⁷⁵ Ke, ho seng joalo, haeba u nka seo mokhatlo o itseng o se buileng, mohopolo oa mofuta o qapuoeng ke motho. Ba tla rera thuto ea khopolo eo, 'me ke tsona litšoanelo tsa bona lekhotleng la batikone, kapa seo e ka bang sona, ba ema bolekaneng bo bottle le mokhatlo oo. Ha ke na letho khahlano le hoo, utloisia.

⁷⁶ Empa ke mpa ke sireletsa seo Jesu a se buileng. Ua bona? O itse, "Mehlolo e tla tsamaea le ba lumelang ke eona ena." 'Me Jesu o boletse, ho Santa Johanne 14:12, "Kannete, nete, Ke re ho lōna." Hoo, "Ruri, ruri, Ke re ho lona, ea lumelang ho 'Na, mesebetsi eo Ke e etsang o tla e etsa le eena."

⁷⁷ 'Me motho a ka lumela joang hore o romiloe ke Molimo, 'me ebe o hetla 'me o latola eona thomo eo Molimo a itseng o tla e etsa, boo e ne e tla ba boitsebiso ba motho e mong le e mong eo A mo rommeng? Motho a ka rialo joang, "Ha ho ntho e kang kolobetso ea Moea o Halalelang"? Motho a ka rialo joang, "Ha ho ntho e kang pholiso ea bakuli"? Motho a ka rialo joang, "Ha ho ntho e kang ho bua ka lipuo, ho leleka batemona"? Atha, tseo e ne e le tsona litšoanelo tseo Jesu a li qhoatseng molumeli e mong le e mong ea neng a tla etsa, A neng a tla mo roma. Ke matla ao.

⁷⁸ Joale, u ka kena sekolo oa itholla Ph.D., le LL.D., le eng eo u batlang ho e etsa, 'me hoo ho itoketse. Ke boitsebiso ba lona mokhatlong oo. 'Me tsohle li lokile. Ha ke na letho khahlano le bona; ke lakatsa eka nka be ke li thotse.

⁷⁹ Empa boitsebiso boo Jesu, ha A roma motho, ke, "Mehlolo e tla tsamaea le ba lumelang ke eona ena." Ua bona? Ke bona boitsebiso boo a bo rometseng ka Molimo. "Mehlolo e tla tsamaea le ba lumelang ke eona ena."

⁸⁰ Joale, joalokaha ke boletse, monna ofe ea bolotsana a ka nka junifomo kapa beche, empa hoo ha se bopaki. Ke litšoanelo tse baloang, eseng unifomo kapa beche. 'Me batho ba bangata... 'Me ho hobe ha ke tlameha ho bua sena, empa ke 'nete. Re tšoanelo ho tšepahala. Ho na le tse ngata haholo tsa... batho ba rona ba Pentekosta, ba apereng beche feela le unifomo, ua bona, hobane ba phela ba fapano le seo pentekosta e tlamehang ho ba sona ruri, ho fihlela moo—ha ho letho ho eona. Ke phetho. 'Me e lihela sekhabo holima Tsela ena feela. Ke hantle. E etsa hore batho ba belaеe.

⁸¹ Empa Jesu o fane ka netefatso, hore e tla be e lokile, hobane, "Mehlolo ena e ne e tla latela balumeli." Ke ntho e le 'ngoe. Moea o Halalelang o ile oa sheba fatše molapong oa nako le ho bona hore banna hore ba tla khopamisa Lentsoe la Hae 'me ba hlahise sena, sane, le se seng, ka hona O ile a e hlakisa hakana le ho kholisa hoo ho neng ho se mokhoa oa ho e potoloha. O itse, "Mehlolo e tla tsamaea le ba lumelang ke eona ena." Joale, rea tseba hoo ke 'nete.

⁸² Mosalumele a ka jara litšoanelo tsena tsa phutheho ea bolumeli, empa ha se sona se mo etsang monna ea romiloeng ke Molimo. Ba tsamaea hohle mona ba tšoere libuka tsa mafuta eohle tlas'a liphaka tsa bona, ho potoloha le nahe, 'me sena, Jehova ke sena, le hore-le-hore, le sena sohle, se seng, empa ha e etsahatse joalo. Che, monghali.

⁸³ Jesu o itse, "U ba leka ka Lentsoe." Ke hantle. Lentsoe, "Mehlolo ena e tla latela."

"Na u lumela matleng a Molimo?"

⁸⁴ "Oh, rona—kereke ea rona e ruta seo..." "Kereke ea rona," hoo ha ho amane le Eona ka letho.

⁸⁵ Ke seo Lentsoe la Molimo le se bolelang. Le a bona? Ee. “Maholimo le lefatše li tla feta, empa Lentsoe la Ka le ke ke la feta.” Lentsoe le phelang, le builoeng ke Molimo o phelang, le tšoanelo ho phela kahara boleng bo phelang. ’Me monna kapa mosali, a ka ipolela joang hore o na le kolobetso ea Moea o Halalelang, athe o hana seo Molimo a se buileng Lentsoeng la Hae? Hobane, ke ’ona Moea o Halalelang o ngotseng Lentsoe, ke ’ona Moea o Halalelang o buang ka motho. Ke hantle. E tlamehile joalo. A ke ke a khona, a ke ke a e etsa. E, monghali.

⁸⁶ Joale, empa, hore, motho a ka tla ’me a re, “Ke na le karete ea bolekane. Ke setho sa kereke *ena* kapa kereke *eane*.” Hoo ho sa ntse ho sa e lokise. A ka apesoa Ph.D., LL.D., le eng hape e tsoang sekolong se itseng se seholo. Ke botle. Ha ho letho khahlano le hoo. Hoo ho sa ntse ho itoketse. Ha ke na letho khahlano le hoo. Empa ha Molimo o mo rometse . . . ’Me haeba a latola thomo ena *Mona* . . . Haeba a ruile *seo* ’moho le *Sena*, ho a babatseha. Empa haeba a ruile *seo* ntle le *Sena*, joale ha ho molemo. Le a bona? Ke hantle.

⁸⁷ Ho lokile haeba monna a apere junifomo le beche e khemang le litšoanelo. Ho lokile. Empa a ka apara junifomo le beche a se na litšoanelo. Ke hantle. Ka baka leo ke thasisetso ea thomo, e tšoanelang ho ema. E tšoanetse ho etsa, ho se pelaelo.

⁸⁸ Mosalumele enoa ea ka fetang ’me a re, “Be, ha ke lumele ntho e kang kolobetso ea Moea o Halalelang e le teng. Likolo tsa rōna li rutile *seo*—hoba matsatsi ao a fetile. Ha re sa tlameha ho fumana *seo* hape.” ’Me ba bangata ba bona ba lumela *seo*. Bongata ba bona bo lumela ka botsepehi, banna ba lokileng, ke kahobane ba mamela sekolo sebakeng sa Lentsoe la Molimo. Ke hantle haholo.

⁸⁹ Nakoana e fetileng mona, tulong e itseng, ho hlahile e—e—mosali. A e-na le mora. ’Me tona, o ne a e-na le pitso ea Molimo bophelong ba hae; o ne a shebahala joalo. ’Me ’mè oa batho a batla ho mo romela sekolong, ho etsa sohle *seo* a ka se khonang ho mo haha. Etsoe, ke botle ho etsa hoo. Empa o mo romela sekolong sa mofuta o fosahetseng. A mo romela moo ba qalang ba ruta khahlano le Lentsoe la Molimo, ’me a tsoela pele. A hlatsoa, ho mo romela sekolong, le joalo—joalo, ’me nako e telele ea feta. ’Me, qetellong, a se ke a fihla hae nakoana.

⁹⁰ ’Mè oa khale a kula. A hla a kula, ruri. ’Me a hla a mpefala ngaka ea re a ke ke a phela, hore o tlameha ho shoa. Eaba o laela moahisane ho romella thelekramo ho mora oa hae, ho tla hae hang-hang, hobane ba ne ba mo lebeletse ho shoa. Eaba moahelani o romela thelekramo.

⁹¹ ’Me—’me eaba moshanyana o itokisetsa ho tla. ’Me kamora nakoana, thelekramo e ’ngoe ea khutla ’me ea re, “Tlohela. O itoketse.”

⁹² Ka hona, likhoeli tse 'maloa hamorao, moshanyana a tla hae ho etela 'mae. 'Me—'me a re ho eena, a nyakaletse, 'me—'me a 'molella hoba o apesitsoe ligarata tsa hae tsa Bachulara ea Art, le sohle seo a se entseng, le kamoo a khathileng tema sekolong. 'Me a re, "Ebile, 'mè," ho re, "ke lebetse ho u botsa." Ho re, "U nthomeletse thelekramo, likhoeli tse ka bang tselela tse fetileng, ho tla hae." Ho re, "Keha ke ferekane haholo." Le ho re, "Ke ile ka e makalla haholo." Le ho re, "Ka itokisetsa ho tla. 'Me ha fihla thelekramo e 'ngoe, hore u ne u itoketse. U ne u phetse. 'Me ke ne ke thabetse hoo haholo. 'Mè, ke rata ho u bolella, kapa, 'mè, ke rata ha u ka mpolella se etsahetseng. Ngaka e u file moriana oa mofuta mong, le ngaka efe?" Ho re, "Ke rata ho ea 'me—'me ke mo thoholetse mosebetsing oa hae o khabane."

⁹³ A re, "Hantle haholo, mora." Ho re, "Ngk. Jesu ke Eena Ea e entseng,"

A re, "Mofumahali?"

⁹⁴ Ho re, "Ngk. Jesu." A re, "Ngk. *Sekete-kete*, ngaka ea ka, e ile ea nyolohela mona, 'me feberu ea ka e phahame haholo, ke ne ke fapane hlooho." 'Me a re, "Ba mpoleletse ke mpefetse le ho feta, 'me hape ke tl'o shoa." 'Me a re, "Na u tseba mishonenyana oo koung, tlase mono phuleng?"

"Ee."

⁹⁵ Ho re, "Batho bao ba ne ba tšoere tšebeletso ea thapelo tlase mono bosiu bo bong, 'me ba itse Moea o Halalelang o ba laetse ho nyolohela mona le ho nthapella." Le ho re, "Hang hoba ba nthapelle, feberu eohle ea nyamela." 'Me a re, "Oh, mora!" A re, "Alleluia!" A re, "Ke folile."

⁹⁶ "Oh," a re, "'mè, 'mè, sona sebete seo! Khele, ha u a tšoanelia ho ikamanya le batho ba joalo." A re, "Khele, ha u a tšoanelia ho tlisa batho bao holimo mona."

A re, "Oh, khele, mora?" Ho re, "Be, khanya ho Molimo!"

⁹⁷ A re, "'Mè, u se ke ua bua lintho tseo." Ho re, "Khele, khele, u a ntšosa!" Ua bona? Ho re, "Khele, ha u a lokela ho bua lintho tseo. Khele," ho re, "batho bao ha ba na thuto. Ha ba tsebe letho ka Bibebe."

⁹⁸ "Oh," a re, "ke kopa tšoarelo, mora." Ho re, "Ba ile ba theoha hantle 'me ba bala ho tsoa Bibeleng, moo e itseng, 'Mehlolo e tla tsamaea le ba lumelang ke eona ena. Ha ba bea matsoho holima ba kulang, ba tla fola." Ho re, "Ema. Ke e balile hangata. Ke e tšoailie Bibeleng ea ka. Ke tla ea u bontša."

"Oh, bea butle motsotso, 'mè." Ho re, "Ke Mareka 16."

"E, ke hona moo e leng teng, moratuo," ho re, "Mareka 16."

⁹⁹ Ho re, "Oh, 'mè," ho re, "u a bona, batho bao ba batho, ha ba tsebe ho feta moo." Ho re, "Re ithutile sekolong hore Mareka

16, ho qala ka khaolo ea 9 ho ea pele, ha e a bululeloa. U a bona? Ruri ha e a bululeloa. E mpile ea ekeletsoa feela.”

¹⁰⁰ ‘Me ’mè e monyenyane a re, “Khanya ho Molimo! Alleluia!”
‘Me eena . . .

Moshanyana a re, “’Mè, u bolela’ng?”

Ho re, “Ke ne ke mpa ke nahana.”

Ho re, “Ho nahana eng, ’mè?”

¹⁰¹ A re, “Haeba Molimo o ka nketsa hoo ka Lentsoe le sa bululeoang, A ka etsang ka le bululetsoeng ruri?” Ka hona hoo, ke hantle. Ua bona? Ua bona? Ke eona. Oh, khili!

¹⁰² Molato e ne e le ofe? Mishonenyana o k’honeng o ne o tšoere litšanelo, mohlomong e seng Ph.D. kapa LL.D. Kapa . . . Empa ba ne ba tšoere litšanelo tsa Molimo, “Ka mehlolo ena e tsamaeang le ba lumelang.” Jesu o itse re tla e etsa. Bao—bao ba ne ba tšoere netefatso ea Molimo. Ba ne ba tšoere thomo ea Hae, ho ea beha bakuli matsoho, ’me ba e entse kamoo A e laetseng ho etsoa, ’me (bona) Molimo oa tiisa Lentsoe ka lipontšo tse latelang. Ke netefatso ea hore ba rometsoe ke Molimo. E, monghali. Ke ’neta. Ho lokile.

¹⁰³ Joale, eo ke thuto e ntle. Hobane, moshanyana o ne a ile ho ithuta, ’me ruri o ne a fumane ea hae Ph.D., empa ba ne ba ena le netefatso ea Lentsoe. O ne a e-na le tiisetso ea mangolo a tsoang kolecheng e itseng, empa ba bile le netefatso ea Lentsoe la Molimo le tsoang Leholimong, ka Moea o Halalelang ho tšehetsha seo ba neng ba bua ka sona. E, monghali. ’Me Molimo o mo file lipontšo. E, monghali. Oh, ke leboha Molimo hakakang ka seo! Batho ba Molimo ba na le seo kamehla.

¹⁰⁴ Joale, ha ho pelaelo, mosalumele o tla lokela ho fumana thojana ea Lentsoe la Molimo, ho E sotha, ho E lekantsa le tumeloana, ho e etsa ka bolotsana ho feta. Joale, u a tseba, leshano le leholohali le kileng la boleloa le na le ’Nete e ngata ho lona. Ke hantle. Hopolang. E mong le e mong . . . Leshano la pele le kileng la boleloa, le ne le e-na le ’Nete ea liperesente tse mashome a robong le metso e mehlano, mohla Satane a neng a bolella Eva, tšimong ea Edene, “Linthro tsena tsohle tseo Molimo o li boletseng.” O ile a amohela, “Ke hantle.” O ile a amohela, “Ke hantle, sohle seo Molimo o se boletseng. Empa,” ho re, “ruri u ke ke ua shoa.” Ke eo.

¹⁰⁵ Motho a ka re, “Ba ne ba le tabernakeleng, holimo mona bosiung bona ba *hore-le-hore*.” Ee. “Batho bohle ba phuthehile ka hare.” Ee. “Ba binne lifela.” Ee. “’Me moreri a bua.” Ee. Ke hantle. “’Me hape u a tseba keng? Eaba ba neeletsana botlolo, ’me bohle ba tahoa.” Phoso. Le a bona?

¹⁰⁶ Ho theohile Moea feela, bohle ba tahoa. Ua bona? Ke phapang e kalo feela, le a bona, ha ba sa neeletsane ba potisa botlolo. Empa lehlohonolo la moea la Molimo la theohela holim’ a

batho. Ba ile ba thekese. Ba hlile ba oa. 'Me ba hlile ba tlaila joalo. Empa hoo ha ho a etsoa ke bottolo. E ne e le Moea o Halalelang o netefatsang Lentsoe la Hae ka lipontšo tse latelang. Ua bona? Ua bona? Eohle e bonahetse e lokile feela, haese bottolo. Ua bona?

¹⁰⁷ Joale, nka re, na u ne u nyolohetse holimo mono? "E." Na batho ba ne ba le teng mono? "E." Na ba ne ba thekesela? "E. E." Sena sohle? "Yaa." Hoo ho itoketse empa ntho e le 'ngoe eo.

¹⁰⁸ Ka hona ke kamoo mosalumele, ea sa-... motho ea sa tsebjoeng ke Molimo, o tla re, "Oh, kea lumela Jesu Kreste ke Mora oa Molimo. Kea lumela Molimo ke Ntate oa Jesu Kreste. Ke lumela lintho tsena tse ling tsohle." Le a bona? Empa ha e fihla karolong *Ena* e 'ngoe, "Oh, *Hoo* ho baletsoe letsatsi le leng hape," Le a bona? Ke leo leshano la eona. Ke hantle. O ntse a leka ho sotha Lentsoe le lenyenyan le nepahetseng, ho etsa hore le thetse batho.

¹⁰⁹ Empa ke eng? Jesu o ile a hlakisa taba eo. O itse, "Mehlolo ena e tla netefatsa Molaetsa oo Ke o rometseng." E, monghali.

¹¹⁰ Nkile ka ba moreri oa Baptise, ke sa ntse ke rata batho ba Baptise. Empa ke fumane ntho e 'ngoe ena. Le a bona? Joale, ha se—ha se eona hantle, e—e kereke ea Pentekosta, ha ke re e phethahetse feela, ha ho letho ho eona, empa ke e khabane ka ho fetisisa eo re e fumanang, ka hona ha re luleng le eona hantle. Ke phetho. Ba hlile ba lumela. Ba bang ba bona ba ka tšoha ba sa rua tumelo e lekaneng.

¹¹¹ Ke lula le bona hantle, ha se tumelo e lekaneng ho phethahatsa Mantsoe ohle. Empa nke ke ka ema tseleng ea motho ea nang le tumelo e lekaneng ho Li phethahatsa. Nke ke ka ipata ka mora ho se lumele, ho e bolela e ke ke ea etsoa. Ha motho a ka nka Lentsoe la Molimo 'me a Le tiisa ka matla a Molimo, ke re, "Khanya ho Molimo! Morena, mphahamise le ho ntumella ho ema, ka tumelo, holim'a naha tafole." Ee. Ruri ke tla lula le seo.

¹¹² Ba etsa lethoana, ho nyallana le tumeloana ea bona. Empa mohlanka oa Molimo o tšoere pontšo ea Hae, ka népo.

¹¹³ Testamente ea Khale, monna o ne a le teng, athe ba bang ha ba khona ho saena lebitso la bona, ka hona ba ne ba boloka tiiso, 'me e ne e le pontšo. Ba ne ba e tiisa, ka mokhoa *oo*. E ne e felile. Tiiso ke mosebetsi o phethiloeng.

¹¹⁴ Baefese 4:30 e re, "Le se ke la soabisa Moea o Halalelang oa Molimo, oo le tšoailoeng ke 'ona ho fihlela Letsatsi la Topollo ea lona." Ke ho tšoaea, mosebetsi o phethiloeng; Molimo o u bone, ho elelloa tumelo ea hau eo u ipoletseng eona ka ho Eéna, ho tšollela Moea o Halalelang, le ho u tiisa ho fihlela Tsatsi la Topollo ea hau. Ke pontšo eo Molimo a u neileng eona Moea o Halalelang, ke hantle, le ho tiisa tumelo eo o neng u ena le eona ka ho uena, le ho fana ka netefatso ea eona ka ho u nea Moea o Halalelang.

¹¹⁵ 'Me ha u na le Moea o Halalelang, "Mehlolo e tla tsamaea le ba lumelang ke eona ena." Ka nèpo.

¹¹⁶ Haeba a latola, monna enoa ea likolohang, a re, "Joale, u se ke ua mamela batho bao. Na le ne le theohetse tabernakeleng bosiu bo bong?"

"E. Uh-huh."

¹¹⁷ "Be, re litho tsa *Sekete-kete*. Hoo ha se letho haese sehlopha sa li-rifraff feela."

¹¹⁸ Na le tsebile Pauluse o boleletse Agrippa, "Ka mokhoa o bitsoang 'bothoto,' ke kamoo ke rapelang Molimo oa bontata rona kateng"? Le tseba seo bokhelohi bo leng sona? [Moena o re, "Ho hlanya."—Mohl.] Eaa. Ke hantle. Na ha ba rialo ho Jesu, "Joale rea tseba U a hlanya"? *Ho hlanya* ho bolela "ho hlakana." Ua bona?

¹¹⁹ "Ka mokhoa oa bohlanya." Hobane u tlohile lefung ho kena Bophelong. Ha u sa le oa lefatše, empa u khethetsoe kathoko ho lefatše. Le a bona? 'Me ka baka leo kelello ea hau ke ea moea, 'me u nahana ka lintho tsa Holimo 'me e seng lintho tse etsahalang holim'a lefatše mona. Litababelo tsa hau li holim'a lintho tse Holimo.

¹²⁰ Joale, ha motho enoa a latola hore Jesu Kreste ke oa maobane, kajeno, le kamehla.

¹²¹ Joale e shebeng. Le tla ba utloa ba re, "Oh, O a tšoana." Na esale Èèna? Na esale Èèna? "Be," ba re, "O a tšoana, ka mokhoa o itseng." Ka tsela efe? Ua bona? Ka tsela efe? "Be, ha ke—ke... Kea lumela O sa ntse a pholosa." Ua bona? Ho ka thoeng ka pholiso? "Oh, che. Ha A etse joalo."

¹²² Joale, mehleng ea Hae mona lefatšeng, ba itse, "A ka folisa, empa A ke ke a pholosa." Joale ba re, "A ka pholosa, empa A ke ke a folisa." Ua bona, ke liabolosi feela, ea nkang lehlakore le fapanang.

¹²³ Empa haeba E le Jesu Kreste, le ka mohla, Motlotsuo, E sa le Eena maobane, kajeno, le kamehla, Mofolisi a le mong, ka ho tšoana.

¹²⁴ Hase lona ba etsang mehlolo. Che. Ba batla ho re, "E re ke u bone u etsa *sena*." Joale, Molimo ha o a mpolella ho e etsa. O se a e entse. Seo nka se etsang feela ke ho nka Lentsoe la Hae le ho itšoarella ho Lona, 'me O tla e phethisa. Ke hantle. Ke eona hantle. Ha se uena. Ke Molimo o ka ho uena.

¹²⁵ Joaloka ha Jesu a boletse, "Ha se 'Na ea etsang mesebetsi; ke Ntate oa Ka ea ahileng ka ho 'Na. O etsa mosebetsi. Kannete, nete, Ke re ho lona, Mora o sitoa ho etsa letho a 'Notši; empa seo A bonang Ntate a se etsa, Mora o se etsa joalo le eena.' A shebella pele, ho bona pono, seo Ntate a Mo boleletseng sona. Santa Johanne, kea kholoa, 5:19, le tla bala seo, 5:19. Ee. Ha u

ka bala, O itse, “Seo Ntate a Mpontšang ho se etsa, le ’na Ke a se etsa.”

¹²⁶ Joale rea fumana, ke hona, hore haeba re—haeba re . . . haeba a latola Jesu Kreste a sa tšoane.

¹²⁷ Ntho e ’ngoe feela eo A ke keng a ba eona, A ka fapanang ka eona, ke hore, ’mele oa nama, oa nama. Le a bona? Joale, ’meleng oa nama, oa nama, Molimo o tsositse seo lebitleng, ka tsatsi la boraro, ’me o lutse letsohong le letona la boholo ba Hae Holimo, holim’ a . . . holim’ a Terone ea Hae. Jesu o hlotse, ho nka Terone ea Molimo. Rona ba hlolang re tla lula le Eena Teroneng ea Hae, hobane Terone ea Hae ke terone ea Davida, moo A tla busa mona lefatšeng. ’Me joale letsohong le letona la Molimo, letsoho le letona la matla a Hae le borena, Jesu o a busa.

¹²⁸ Joale, ka Mono, Ke Moprista e Moholo ea buellang maipolelo a rōna, ha re amoherla Lentsoe la Hae, ho Le lumela pelōng ea rōna, le ho Le amoherla ka mono, le ho se khutle, empa ho e lumela hantle feela hore e tla etsahala. Peo ea ’nete ea Abrahama e tla tiisetsa Lentsoeng leo. Ho sa tsottelehe e nka nako e kae, O tla le phethahatsa. Ha ho leqhubu ho eona, nqa efe. O tla e phethahatsa. Ke hantle.

¹²⁹ Joale, bohata bo tla re, “Che. Hoo, ha ho joalo.” Joale ha feela ba latola thomo *Ena*, e ba supa ba sa khone ho bontša . . . bao . . . thomo ea bona e tiisitsoe. Ba ke ke ba u bontša, hobane ba latola. Haeba . . .

¹³⁰ ’Me joalo ka—ofisiri, nka re, “Be, mona, ke marshale oa United States. Kea tseba hore ke marshale, ’me molao ke *ona* o reng ’mashale o tlameha ho jara mangolo ana, a tiisitsoeng ka tiiso ea United States.”

¹³¹ U re, “Be, e ne e etselitsoe nako e fetileng. Ha rea tlameha ho e fumana kajeno.” Ke bohata. Ke phetho se leng teng. Ha A loka. Ha A romeloa. Ha A rongoa.

¹³² ’Me motho ofe ea ka latolang, hore Jesu Kreste ha se oa maobane, kajeno, le kamehla; motho ofe ea ka latolang “mehlolo e tla tsamaea le ba lumelang ke eona ena,” ke ho leka ho phomella ka pampiri ea mofuta ea hlomamiso e sa manehoang tiiso ea thomo. Ke hantle haholo, joale. Ruri ke ’nete. E tla ba ha a rongoa ke Molimo, hobane o latola eona tiiso, seo, eona tiiso ea netefatso eo a tšoanetseng ho jara.

Haeba ofisiri a itse, “Ha u a tlameha ho fumana tiiso eo.”

¹³³ U e tšoere, ka bo-uena. “Ke *ena*, bukeng moo e reng u tšoanetse ho jara tiiso eo. *Mona*, melaong ea United States, ho thoe bo-mashale ba tlameha ho jara tiiso ena.” ’Me haeba a sena tiiso eo, ha se ’mashale ka bottlalo. Le se ke la mo amoherla, hobane ha se mashale, hobane molao oa buka o re o tšoanetse ho jara tiiso eo.

¹³⁴ Jesu o itse, "Mehlolo ena e *tsla* ba latela. E *tsla* ba latela!" E seng, "E lokela joalo; mohlo mong; e meng ea eona, e *tsla* etsa joalo." E itse, "E *tsla* tsamaea le ba lumelang." Ke eona netefatso ea thomo, hore ba ne ba rometsoe. Amen. Ke rata seo. E nthabisa feela ho e tseba. E, monghali. Ka hona ke tseba hoba thomo e kene pelōng ea ka, tiiso ea Moea o Halalelang. Ke hantle.

¹³⁵ Kea tseba, molumeli e mong le e mong eo e leng molumeli ka 'nete, o bona monna ea latolang matla ao a jona: Bibebe e boletse, "Matsatsing a bofelo ba *tsla* ba le sebopoho sa borapeli, 'me ba *tsla* latola matla a jona. Ba joalo u ba furalle. U se ke ua e amohela, ho hang." Hantle. Ba *tsla* thea likereke tse khōlō le malumeli a khabane, le botle bo tlokomang, le botle bo phahameng, le joalo-joalo.

¹³⁶ Shebang, mona, bosiu bo bong, tlase mona Phoenix, seholpha sa banana bao, bashanyana kantle mane, ho chaeia booglie-wooglie e ncha ena, kapa le e bitsang ntho eo kantle moo, 'me ba haptjoa ke moea oa eona hofihlela ba kene literateng. Mapolesa a tlameha ho ba thonaka. Ho tšoasetsoa *tsla*'s matla a liabolosi, e, 'me hoo ho tumme.

¹³⁷ Empa e re motho a hobele ka Moea hang, *tsla* matla a Moea o Halalelang! Ke hantle. Ke eona. "Mehlolo ea Molimo e *tsla* tsamaea le ba lumelang." Yaa.

¹³⁸ A ke ke—a ke ke a re o romiloe ke Molimo, 'me a ntoo latola thomo ea Hae. Ha re shebeng ba bang ba bao Molimo o ba rometseng, ho fumana haeba esale A netefatsoa balumeli ba Hae. Joale shebang.

¹³⁹ Ha re nkeng Moshe. Moshe o bile le pitso bophelong ba hae, ke 'nete, empa a eso rongoe le ka mohla. A hopola hobane o romiloe, 'me le shebe kamoo a hlolehileng kateng. Empa mohla Molimo o nong o mo romela ho *tsoa* sehlahleng se tukang... Mohla a neng a tsoile a kena ka pel'a sefahleho sa seminar ea Faro, o tsoile ka litšoanelo tsa hae. E hanne ho sebetsa. Molimo ha o a e hlompha.

¹⁴⁰ Shebang, o ile a theohela mono 'me a bolaea monna a le mong a sa laeloa ho e etsa, 'me a tlameha ho baleha Egepeta. 'Me a theohela mono a qoelisa lebotoho lohle la Egepeta, ka thomo ho e phethisa, 'me ha ho boleloe letho ka eona. Ke eona phapang. Ho bolaea monna a le mong 'me a tlameha ho baleha. Oh, a le maemong a mabe hakakang, hoba a e entse ntile le thomo. Empa a theohela mono ka thomo, 'me a qoelisa lebotoho lohle, ho fumana khanya ho Molimo bakeng sa Hae. Ua bona?

¹⁴¹ Kamoo Molimo o etsang hore batho ba itšoare bosaoana! Monnamoholo eo, ea seriti joale, o *tsoa* mono ka ligarata tsa mefuta eohle tsa k'holeshe. Empa, 'me, oh, a ke ke a e nahana, mona a le lilemo tse mashome a robeli. Me hoseng ho hlahlamang, ke enoa a theohela Egepeta, le mosali oa hae a lutse kaletse 'moulo, ka ngoana lethekeng la hae, a ntse a tsamaea,

litelu tse kholo tsa khale li fokaela ka mokhoa *oo*, le molamu o khopameng letsohong la hae.

“U ea kae, Moshe?”

¹⁴² “Ho theohela Egepeta, ho hapa.” Phutuho ea monna a le mong. Hobaneng? Taba ke hore, o e entse. Hantle. Joaloka monna ea tlohang a hapa Rashia eohle. E ne e le eng? O ile a matha . . . E ne e le ofisiri ea maemo a holimo, ofisiri e moholo ka ho fetisisa ea neng a le teng, e hlahlamang Faro Egepeta, a baleha Egepeta hobane a ne a sa tšoara thomo ea ho lopolla bana ba Israele. Empa eaba o a khutla, monna a le mong khahlano le ntho eohle, ka thomo, ’me o e phethile. Hobaneng? O ne a tšoere thomo, ’me a e-na le netefatso ea eona. A ka kholisa hoba Molimo o mo romile. Amen.

“U tla e etsa ka’ng, Moshe?”

“Molamu ona oa khale o khopameng ke o tšoereng letsohong la ka.”

“Ho etsa eng?”

“Ena ke thomo ea ka.”

“Eng?”

¹⁴³ “Molimo o mphile lipontšo tse peli tse ka etsoang pel’ a bona. Ke eona. O ile a mpolella ho ea etsa sena. A re, ‘Mehlolo ena e tla latela,’ haeba ke theohela mono. ‘O lahlele pel’ a Faro, bona se etsahalang. O tla fetoha noha. Le ho re, “HO RIALO MORENA, Faro, lesa batho ba Ka ho ikela.””

¹⁴⁴ Moshe a theoha a o lahlela fatše. Baupelli ba fihla, ba etsa hona hoo. Eaba Molimo o thasisetsa thomo ea hae. Noha ea hae e jele tsa ba bang bohle.

¹⁴⁵ Na le kile la nahana, “Ebe linōha tseo li ile kae?” Ho ea kae? Ho etsahetse’ng ka mare ao? Kaofela li le ka molamung o le mong. Le a bona? Ea li ja kaofela, noha ea Moshe. Hobane, e ne e le eng? Netefatso. Amen. Alleluia! O bile le netefatso ea thomo ea hae. O ile a e phetha. A ntša bana, ’me Leoatle le Lefubelua la ema tseleng ea hae ’me la phetleha.

¹⁴⁶ Hobaneng? O ne a tšoere thomo le netefatso ea eona. Molimo o no o e-na le eena, ’me a etsa mehlolo le meeka.

¹⁴⁷ Empa, moo, ha motho a laetsoe ke Molimo o leng ka holim’ a hloleho, matla a mohlolo a Molimo a tla lula le thomo eo e mohlolo. E seng seo u ithutang sona ka Ph.D. le LL.D. le algebra, le lintho tseo tsohle. Hoo ho tiisa grama ea hau e ntle le puo sefaleng ha u re “ah-man” joaloka namane. Empa e re ke u bolelle taba. Empa ha u e-na le netefatso ea thomo ea Molimo, eo u e filoeng ka Moea o Halalelang, “Mehlolo e tla tsamaea le ba lumelang ke eona ena.” Tšoarelang tlhahiso eo.

¹⁴⁸ Netefatso. Molimo o tiisitse, hobane E ne e le Molimo o ka holima hloleho, o abile matla a phahametseng tlhaho, bakeng sa tokoloho e mohlolo. Ke a e lumela.

¹⁴⁹ Molimo kajeno a ke ke a lokolla batho ba Hae ka thuto. Ha A tsepisa ho e etsa. A ke ke a ba loela ka thutabomolimo. Ha A tsepisa ho e etsa. A ke ke a ba loela ka mahlale. Ha A tsepisa ho e etsa. A ke ke a ba loela ka mokhatlo oa bolumeli. Ha A tsepisa ho e etsa. Empa O tla ba lokolla ka matla, matla a mohlolo, ho fetola maphelo a bona le ho ba bopella ho ba bana ba Molimo. Amen.

¹⁵⁰ Moshe o ne a tšoere thomo. A tšoere lipontšo ho thasisetsa thomo ea hae.

Joale, Jesu, ka ho tšoana, o itse, “Mehlolo ena!”

¹⁵¹ Moshe a re, “Nka ba bolella eng? Ke tla ba bolella joang hore Molimo oa bontata bona o romile?”

Ho re, “U tšoere’ng letsohong la hau?”

A re, “Molamu.”

¹⁵² Ho re, “O lahlele fatše. Kenya letsoho la hau sefubeng sa hau, tsoa. Ba rerele pholiso ea Khalalelo.” Eo ke netefatso. Ehlide. “Ke tla u fa lipontšo tse peli.”

¹⁵³ Joale, ’ona Molimo oo o ke ke oa fetoha. Mohla A neng a romela Kereke ea Hae kantle, ho lokolla batho bokhobeng bona ba Egepeta ba lihele ba lintho tsenla tsohle tse fupereng batho kajeno, O itse, “Mehlolo e tla tsamaea le ba lumelang ke eona ena.” Se tšabe ho beha Lentsoe leo kantle mane, hobane ke ’Nete. Ke Lentsoe la Molimo. U se lumelle liabolosi ho u hlahosetsa Eona hole; hobane ha e a loka. O boloka Lentsoe la Hae. Joale, ke lumela seo ka sohle se leng ka ho ’na.

¹⁵⁴ Elia o ile a rongoa. Ke ’mona hoseng hoo. Kea kholoa eèna le Jesebele ba ne ba potile makhetlo a ’maloa. Empa e ne e le enoa tsatsing leo a theoha, thaka la khale le lefatla, ’me matšoala a lepeletse, a theoha hoseng hoo, a theosa ka tsela eo ho ea Samaria. Mahlo ao a tsepame leholimong; a le pososelo sefahlehong sa hae. Molangoana oo oa khale o otlana tseleng. Empa, moena, o ne a tšoere “HO RIALO MORENA.”

¹⁵⁵ “HO RIALO MORENA.” A tsamaea hantle a kena ka pel’ a dipresidente kapa sefahlehong sa morena, ho re, “Esita le phoka e ke ke ea theoha leholimong pele ke e bitsa.” E ne e le eng? O ne a tšoere thomo. Na pula e ile ea na letsatsing le hlahlamang? Che. O bile le netefatso ea eona. Le a bona?

¹⁵⁶ Ho re, “Nyolohela mono, Elia, ’me o lule fatše. Ke se ke laets e balebeli ba bang le bahlanka ho u fepa.” Kahoo makhoaba a mo fepa.

¹⁵⁷ ’Me eare a sa le holima thaba mono tsatsi le leng, “Oh,” morena a re, “ha ho letho ho mothaka eo. Ke tla romela banna

ba mashome a mahlano. Ha ke lumele ha se letho haese lehlanya la khale. Na ha rea mo tseba tikolohong ena, a bua ka Jesebele, mohatsa ka, ka ho tšasa ferefe le ntho eohle ka mokhoa oo, ho bua ka bophelo bona bohle ba mehla ea joale?"

¹⁵⁸ Le ho phela ka mohlala oa mofumahali oa pele, joalokaha boholo ba rona batho ba Pentekosta ha re etsa! Yaa. Ke hantle. Basali ba rōna ba Pentekosta, meririhali eo ea mekuto ea hloohometsi, le lintho tse kang tseo, e, yaa, ho tlola ferefe, meikapo, ho tena lishotso. 'Me Bibebe e itse, "Ke manyala mahlong a Molimo." U ka etsa joalo joang? Ke hantle. Khele, u a tseba, ha u ipolela, khaitseli, uena, ntho e oele, ha u khona ho poma moriri, 'me Bibebe e re . . .

¹⁵⁹ Joale, bongata ba lona basali ba Pentekosta le ke ke la tlola meikapo. Ha ho letho ka Bibeleng mabapi le seo. Empa joale u tla kuta moriri oa hau. 'Me Bibebe e boletse, ho re, "Mosali ea kutang moriri oa hae ha a hlomphehe." Ke hantle.

¹⁶⁰ 'Me u tla apara lishotso, kapa nthoana ena ea khale . . . Ha se le . . . Ua bona? E ka bang eng, ekare liaparo tsa monna. 'Me Bibebe e boletse, ho re, mosali ofe ea aparang liaparo tse joalo, "Ke manyala mahlong a Molimo." Ka mantsoe a mang, "E—e lephoka le lebe, ho Molimo. E shebahala e le mpe." 'Me ha u ena le Moea o Halalelang ka ho uena, e leng Molimo, u ka li apara joang athe u ipolela u na le Moea o Halalelang? Khele, bophelo ba hau bo paka phoso e le teng ka uena. Ke hantle.

¹⁶¹ Ke tseba e a tlabolaa, empa ke—ke le bolella bothata bosius bona. Re hloka ho tlaboloa ho feta, lichapo tse ling hape. Ke hantle. Ke bona bothata, re lahlela marapo linthong tseo. Moena, e re ke u bolelle, u tlameha ho ithuta li-ABC tsa hau pele u tsoelapele, u a bona, ke hantle haholo, ho lumela kamehla hoba Lentsoe la Molimo le lokile. Ho sa tsotelle seo e leng sona, bapisa Hoo feela. E, monghali.

¹⁶² Elia ea lutseng hlorong ea thaba mono, 'me Molimo oa re, "Joale, u ke ke ua khathatsoa." Ho re, "Ke tla u romela holimo mono hofihlala batho bao ba baka."

¹⁶³ "Oh," Akabe a re, "ha rea lokela ho baka ka letho. Lehlanya leo la khale, ha le tsebe seo le buang ka sona. Ke e mong oa bahalaleli bao ba khale ba thethehang. Re mpa feela . . . Mphe banna ba mashome a mahlano ba khethiloeng. 'Nyolohelang mono le theole lehlanya leo la khale."

¹⁶⁴ Ke bona ofisiri eo e re, "E, monghali. Ke fumane thomo ea hau, monghali. Ke tla mo khutlisa hantle."

¹⁶⁵ Ke enoa a e tla, a hoanta, e—e tšepe e otlana fatše, lisabolehaliltsena le marumo, 'me banna ba mashome a mahlano ba khetho ea balebeli ba Akabe ba tla ba nyoloha leralla joalo.

Elia ke eo o lutse holimo mono letsatsing le chesang, a ntse a qamaka *joalo*.

¹⁶⁶ Ba re, “Hela! Re u setse morao, moshanaa. Re tšoere litšanelo tsa rona mona. Re balebeli ba Akabe. Re tlil’o u lata. Re tla u khutlisetsa morao.”

¹⁶⁷ A phahaha, a re, “E, ke na le litšanelo tse itseng, le ’na. Haeba ke le monna oa Molimo, mollo o ke o theohe leholimong.” E ne e le eng? E ne e le netefatso. E, monghali.

¹⁶⁸ Holima Thaba ea Karmele, mohla a entseng makhaolakhang pakeng tsa melimo ea bohata le Molimo oa ’nete. A robatsa sehlabelo, a tsoela mono, ’me a re, “Morena Molimo oa Abrahama, Isaaka, le Israele, ho ke ho tsebjoe kajeno hore U Molimo Israeleng, ’me ke mohlanka oa Hau, ’me ke entse hona hohle ka taelo ea Hau.”

¹⁶⁹ “Bolela Lentsoe,” ka taelo ea Hau, Morena, “lefatšeng lohle, ho ’mopua e mong le e mong. Mehlolo e tla tsamaea le ba lumelang ke eona ena.” Taelo ea Hau.

¹⁷⁰ “Joale, Morena, ho ke ho tsebjoe hobane U mpoleletse ho etsa sena. O ntaetse ho etsa hona, joale e tiise, Morena.” Ka eona nako eo, mollo oa theohe leholimong. E ne e le netefatso ea eona. O ne a ena le Lentsoe. Le a bona?

¹⁷¹ Kamehla Molimo o tiisa Lentsoe la Hae. O—O hlahisa netefatso ea Lentsoe la Hae. Joale, rea tseba hore seo ke ’nete. Oh, ke makhetlo a makae... Mona re tšoere limelo tse fapaneng tse ka theohang. Empa ho boloka nako... .

¹⁷² Jesu, mohla A neng a fihla lefatšeng, ’me ba itse, “Eèena, e leng Motho, o Iketsa Molimo? Oh, khili! Be, re tseba hoba E ne e le mang. O tsoetsoe ka bonyatsi. Khele, ebile ha A... Re tseba ’mè oa Hae, Maria, le Josefa. Ba fumane ngoana eo be-... ”

¹⁷³ Jesu o itse, “Ekare ha Ke sa etse mesebetsi ea Ntate oa Ka, le se lumele ho ’Na. Ha le lumele hoba Ke Messia? Mesebetsi eo Ke e etsang e netefatsa seo Ke se bolelang. Ekare ha Ke sa etse mesebetsi ea Ntate oa Ka, le se ke la e lumela. Empa ekare ha Ke etsa mesebetsi ea Ntate oa Ka, le mpe le lumele mesebetsi, leha le sa lumele ho ’Na.” Eo e ne e le netefatso. Seo sa ba tšoara joang? Ehlide. Ho boletse... .

¹⁷⁴ Molimo, eo Molimo o mo romang, Molimo o a sireletsa. Molimo o netefatsa Lentsoe. Ha Molimo a romela lenqosa kae-kae, ho etsa ho hong, O tlameha ho tšehtsa thomo eo. Ke hantle haholo.

¹⁷⁵ O itse, “Ekare ha Ke sa etse mesebetsi ea Ntate oa Ka, le se—le se lumele ho ’Na, empa,” ha thoe, “eona mesebetsi eo Ke e etsang e netefatsa thomo ea Ka.” Amen. Ehlide taba eo e ba phaitse. Na ha se eona? “Mesebetsi eo Ke e etsang.” Yaa. E, monghali. “Ha le sa etse, le sa lumele hoba Ke rometsoe ke Molimo, seo le lokelang ho se etsa ke ho lumela seo, mesebetsi eo Ke e etsang, kapa, e re ke u bone u etsa mesebetsi e tšoanang,” ke bao, “haeba u sa lumele ho ’Na.” Eona... Oh, khili!

Ba bang ba bona ba lumetse ho Eèna.

¹⁷⁶ Mohla mosali selibeng a bonang pontšo ea Hae ea Messia, a re, “Rea tseba hore Messia o etsa seo.” Ho tloha le ho bolella batho, ho re, “Tloong, le bone Eo ke mo fumaneng, Monna ea mpoleletseng makunutu a pelō ea ka. Na eo ha se Messia?”

¹⁷⁷ Ol ‘Nathanaele, mohla a khutlang le Filipi, ’me Jesu... a fihla ka pel’ a Sefahleho sa Jesu, ’me Jesu a re, “Bonang Moiseraele eo ho seng mano ho eena.”

¹⁷⁸ Joale, e ne e le monna ea koetlisitsoeng, kaha a tsebile Lentsoe. O tsebile Messia e tla ba Molimo-moporofeta. Ka hona ba tsebile Moshe a boletse seo. “Morena Molimo oa lōna o tla hlahisa moporofeta.” O a tseba hape, hore Molimo o itse, “E mong hara lona, e leng motho oa moea kapa moporofeta, ’na, Morena, Ke tla mo tiisa. Ke tla... Seo a se buang, ha se etsahala, le se lumele ke hona.” Le a bona? Ba ne ba batla ho fumana hore na ke Eena. Ba tsebile moporofeta a loketse ho hlahi nakong eo, ’me ba batla ho tseba hore E ne e le Mang.

¹⁷⁹ Eaba o kena ka pel’ a sefahleho sa Filipi, ’me Filipi a ’molella seo a lokelang ho se etsa. Kapa, Filipi a mo isa ka pela Sefahleho sa Jesu, ke rialo.

¹⁸⁰ Eitse ha a fihla ka pela Jesu, Jesu a re, “Bonang Moiseraele eo ho seng mano ho eena.”

“O ntsebile joang, Rabi?”

¹⁸¹ Ho re, “Le pele Filipi a u bitsa, u sa le tlasa sefate, Ke u bone.”

¹⁸² A re, “Rabbi, U Mora Molimo.” Litšoanelo tsa Hae e ne e le tseo.

¹⁸³ Mosali selibeng, mohla A mo fumanang a eme mono selibeng, O itse, “Mphe metsi.”

¹⁸⁴ A re, “Ha se moetlo. U fapoha moetlo oa rōna—oa rōna—oa rōna mona. Re na le khethollo. Rona Bajude le Basamaria ha re na kopano le e mong. Uena u leng monna, Mojuda, le ’na mosali oa Mosamaria, ho tla joang hore Uena U nkope mohau, ho U tlisetsa metsi?”

¹⁸⁵ A re, “Mosali, holane u tsebile Eo u buang le eena, u ka be u kopile metsi ho ’Na.”

¹⁸⁶ ’Me a re, “Khele, seliba se tebile. Ha u na sekhelello.”

A re, “Metsi ao Ke fanang ka oona ha a eo selibeng seo.”

¹⁸⁷ Ho, tsoela pele, moqoqo oa tsoella nakoana, ua bona, hofihlela Eèna, seo A lekang ho se etsa: Ho hokahana le moea oa hae, eaba O fumana moo bothata ba hae bo leng teng. A re, “Ea lata monna oa hau o tle koano.” Ho ’matla, ho tseba hore E ne e le Mang. Ho re, “E-ea, lata monna oa hau le tle koano.”

A re, “Ha ke na monna.”

¹⁸⁸ Ho re, “Ke hantle. O bile le ba bahlano, le eo o phelang le eena joale ha se monna oa hau.”

¹⁸⁹ A re, “Monghali, kea lemoha hobane U moporofeta.” A re, “Rea tseba Messia mohla a tlileng O tla etsa hoo.”

A re, “Ke ’Na ea buileng le uena.”

¹⁹⁰ A kena motseng. A tiisetsoa eona. A kena motseng a re, “Tloong, le bone Monna Ea mpoleletseng tseo ke li entseng. Na ha se eena Messia? Na eo ha se netefatso ea hore O teng?”

¹⁹¹ Jesu o itse, “Eona mesebetsi eo Ke e etsang e tiisa thomo ea Ka.” Ke hantle. Molimo o Mo romile. O ne a loketse e be Moporofeta eo.

¹⁹² Lea tseba, ba itse ho Johanne, “Na u Elia? Na—na u e mong oa baporofeta? Na u Moporofeta eo ea neng a tla tla?”

¹⁹³ Johanne o itse, “Ha ke eëna. Empa O eme hara lōna, nq a e ’ngoe. O tla Ipaka mohla A fihlang, hoba Molimo o tla Mo netefatsa.” Ke hantle haholo. Ha motho a romiloe ke Molimo, Molimo o tlamehile ho netefatsa motho eo, ke hantle haholo, hore o romiloe. Oh, e, netefatso.

¹⁹⁴ Monna ea tsoetsoeng a foufetse, o ne a tšoere bopaki bo kholisang hore E ne e le Messia. Joale, monna oa mofutsana, o ne a sa—o ne a sa . . . Mohla baithuti bao ba thutabomolimo ba neng ba mo khaoletsa har’ a letšoelle holimo mono, le ho re, “Hela, rea tseba u tsoetsoe u foufetse.” Ho re, “Rea tseba hore—hore u ne u se na lipolokoe tsa mahlo, esita le boholokoaneng.” Ho re, “Rea tseba u tsoetsoe u foufetse.” A re, “U folisitsoe ke mang?”

¹⁹⁵ ’Me a re, “Monna eo o ile a mpolella hore ke folile.” Ho re, “Ke a tseba O mpholisitse.” Ho re, “Ke—ke—ke a e tseba.”

¹⁹⁶ Ho re, “Be, joale, Monna eo ke moetsalibe. Re Mo tseba e le moetsalibe, hobane ha A ka a ingolisa mokhatlong oa rōna. Ha a ka a tla ka tsela ea rona. Ha a rute lithuto tsa rona. O khahlano le rona.” Ho re, “Re—re a tseba hore E ke ke ea eba oa Molimo. Re a tseba phoso e teng ka Eena, hobane ha A ka a lumellana le rona.” A re, “Monna ke moetsalibe.”

¹⁹⁷ Joale, monna enoa oa sefov o sitiloe ho pheha khang ka ntlha, e ne e se moithuti oa thutabomolimo, o—o sitiloe ho pheha khang ka ntlha. O itse, “Joale . . .” Empa le eëna o kile a kholisa khang. A re, “Hore Ke moetsalibe, kapa che, ha ke tsebe. Empa ena ke ntho e le ’ngoe eo ke e tsebang,” amen, “moo nkileng ka foufala, ke a bona joale.”

¹⁹⁸ Ke utloile batho ba re sena e ne e le sehlopha sa batho ba hlanyang. Ke fumane batho ba mpolellang, ha ke amohela Moea o Halalelang, ke ile ka lahleheloa ke kelello. Be, haeba e lokile, kapa che, ha ke tsebe. Empa ke tseba ho le hong: moo ke neng ke le moetsalibe, ke pholositsoe joale. Ke hantle. Ke na be ke lahlehile, joale ke fumanoe. U ka e bitsa bohlanya, sohle seo u se

batlang, empa ke netefatso ho 'na hore E sa le Jesu Kreste eena maobane, kajeno, le kamehla. Ke hantle. Ee.

¹⁹⁹ O—o ne a tšoere bopaki. O ne a tšoere puo e kholisang hore E ne e le... O—O ne a e na le... hore E ne e le Mora oa Molimo, hobane O ne a bopile lipolokoe tsa mahlo ka ho monna ea neng a se na lipolokoe tsa mahlo. E, monghali. Ka mantsoe a mang, monna oa sefou a ka re, "Esale ke kena kerekeng ea lona nako ena eohle. Ha ke bone letho le joalo le etsahalang tikolohong ena. Haeba A bopile lipolokoe tsa mahlo, ha ho 'Mopi haese Molimo. E ne e ka hlaha kae? Tloong re le boneng le e etsa. Ha re boneng kamoo le e sebetsang kateng."

²⁰⁰ Ba ne ba lokela ho khutsa. Ba bua ka Molimo o mohlolo, 'Mopi e moholo oa maholimō le lefatše, le ho sitoa ho bopa bophelo bo lōkileng. Le a bona? Ke moo he. A ke ke a bopa letho.

²⁰¹ Empa Jesu ke enoa a e tla 'me a kenya lipolokoe tsa mahlo ka ho monna ea tsoetsoeng ka bofofu. Ke a le bolella, hoo ke ho kholisa. Motsebi oa tsela ke motsamai oa eona. Ke hantle haholo. Ka hona o ne a tšoere bopaki ba hore E ne e le eena. Ke hantle.

²⁰² Kea kholoa Pauluse, kantle mono bosius boo, mohla matsatsi a leshome le metso e mene le masiu, 'me ho se khoeli, linaleli, kapa letho, ntle leoatleng leo; mothoana oa batho a hulanya mahlaahlela ao hara sekepe sa khale se tletseng metsi, 'me se batla se teba. Ba ne ba lahletse lijo tsohle le lintho tsohle, 'me basesisi ba eso je matsatsi a mangata. Le ho hulanya mahlaahlela ana, ho bua ka Jesu ea kileng a phela, ho bua ka Jesu ea kileng a thakhisoa.

²⁰³ Kea kholoa masole ao le basesisi ba itse, "Oh, bathong, tholang!"

²⁰⁴ Ho 'na a tsamaea, ho re, "Empa, u a tseba, esale Eena maobane, kajeno, le kamehla," ho tsamaea feela, holima fuluru, ho hula mahlaahlela ana.

²⁰⁵ Ho re, "Shebang thaka le mahlaahlela, thaka le eang ho Sesare holimo mane, koana Roma, ho ahloloa. Monna eo o tlameha ho shoa, athe o bua ka ntho e 'ngoe ka borapeli. Oh, koala molomo!"

²⁰⁶ 'Me ba 'na ba hulana. Empa, bosiu bo bong, mohla litšepo tsohle li felileng! Oh, khili.

²⁰⁷ Nako le nako ha lehalima le tsekema, leqhubu, matemonia a likete tse leshome a lula holima maoatle ao, ho re, "Re u tšoere joale, Pauluse. Oh, u honyela."

²⁰⁸ "Che, monghali. Esale Eena maobane, kajeno, le kamehla. Ke hantle. Ke a tseba O mpoleletse hoea Roma."

²⁰⁹ Ke enoa moo a leng teng, a kolokoteha, sekepe se se se batla se teba. Nahanang feela, letsatsi, khoeli, kapa linaleli li ne li eso chabe matsatsi a leshome le metso e mehlano, kapa a leshome le metso e mene. Ke maemo a mabe; sekepe sa khale se kheleletse

metsi, 'me ntho eo e se e teba, ntho e 'ngoe le e 'ngoe ka mokhoa oo.

²¹⁰ O ne a eme tlase lehahleng la sekepe, bosiu bo bong, a rapela, ntle le pelaelo, eaba ho hlaha pono. Lengeloi la Morena la itlhahisa ho eena, la re, "U se ke ua tšoha, Saule. Tsohle li lokile."

²¹¹ Ke enoa a etla, a matha a nyoloha, ka thomo, a ketemisa mahlaahlela, a re, "Khothalang le be sebete. Ebang le tumelo e ntle, hoba Molimo oo ke o sebeletsang o rometse Lengeloi la Oona maobane bosiu. Ka bona pono, 'me A mpolella ho se tšabe, hobane ha ho bophelo bo tla lahleha sekepeng sena. Ka baka leo, banabesō, jang ljonyana, 'me le nyakalle. Tsohle li lokile."

²¹² Ke a khlooa ba ne ba ikutloa ka mokhoa o hlollang. Empa eare ha ba fumana sekepe sa khale se lutse koung koana, ea tiisa hore Pauluse o ne a romiloe ho tsoa ho Molimo 'me a tseba seo a neng a buoa ka sona. Molimo o e netefalitse.

²¹³ "E mong hara lona ha a le teng e leng moporofeta, 'me seo a se bolelang se etsahala, le mo utloe, hobane Ke na le eena." Ke hantle.

²¹⁴ Eitse, matsoalloa a sehlekehleke sena, ha baahi ba sehlekehleke, ba 'mona a roalla patsi, 'me ba re, "E tšoanetse e be e le 'molai ea itseng ea tšabehang, mahlaahlela ao ohle a mo tlamile."

²¹⁵ Pauluse oa batho, a se a hoama, liaparo tsa hae li kolobile kahohle, a tla koano 'me a nka seholpha sa lithupa, 'me a qala a li sunya mollong. 'Me noha e mo lommeng letsohong e ka be e 'molaile, khele, nakoaneng. Pauluse a e sheba, ka mokhoa oo, le ho re, "Molimo, U mpoleletse ke tlameha ho ea Roma le joale." Ho e hlohlorela mollong, le ho khutla ho ea roalla lithupa.

Ho re, "Mo shebeng ha a eshoa."

²¹⁶ Metsotsong e 'maloa, ba e fetotse. Hobaneng? Thomo ea hae e ne e tiisitsoe. Ba itse, "Ke molimo o theohileng leholimong." Hantle.

²¹⁷ O ne a e-na le netefatso, hoba Jesu o itse, "Ba tla hatakela lihlooho tsa linoha le liphepeng, 'me ba ke ke ba lematsoa ke letho." E, monghali. O ne a—o ne a tšoere e—e bopaki ba ho e paka.

²¹⁸ Joale ke tlameha ho potlaka, metsoalle. Ke tla hlola le lōna bosiu bohole ka mokhoa oo. Empa lintho tse ling tse 'maloa feelsa.

²¹⁹ Joale, moporofeta o itse, "Ho tla fihla letsatsi leo ho ke keng ha thoe ke motše share kapa bosiu, letsatsi le lerootho, le moholi, mouoane, empa," ho re, "Leseli le tla chaba nakong ea mansiboea." Ke hantle.

²²⁰ Letsatsi le chaba bochabela, 'me le likela bophirimela: l-e-t-s-a-t-s-i. Tsoelopele e tlohile bochabela ho ea bophirima. Empa

mohla M-o-r-a a neng a chaba, Leseli le chabetse holim'a batho ba bochabela.

²²¹ Joale re fumane letsatsi la mokhatlo, mekhatlo ea malumeli, le batho ba amohelang Kreste, 'me ba tšoere Leseli le lekaneng ho tseba hore E ne e le Molimo. 'Me ba tsamaile Leseling, le joalo-joalo. Ba hahile likereke, le likhatederale tse khabane, le likolo, le lintho tse joalo. Ho bile hotle.

²²² Empa, hopolang, ho tšepisitsoe hoba maru oohle a tla nyamela nakong ea mantsiboea. Ke nako ea mantsiboea joale. 'Me eareha maru oohle a apoha, eena Mora eo, M-o-r-a, ea hotelitseng matla a Hae ka Moea o Halalelang holim'a batho ba bochabela, o entse, lilemong tse mashome a mahlano tse fetileng, o khaotse maru a mekhatlo le ntho e 'ngoe le e 'ngoe, le ho tšela Moea o Halalelang holim'a batho ba bophirima. Hoo, eena Mora, eena Moea o Halalelang, pontšo e tšoanang, Maseli a tšoanang, matla a tšoanang, bopaki bo tšoanang, ntho e 'ngoe le e 'ngoe eo O nong o le eona. 'Me Evangelie reriloe ka matla le ka ponahatso, hohle linaheng. Ke hantle. Ke hantle. Lefatšeng lohle, lipontšo le meeka li latela balumeli.

²²³ Mona, lilemong tse 'maloa tse fetileng, ba itse, "Sehlopha seo," ho re, "khele, u ke ke ua khona le ka mohla." Ho re, "Ba ke ke ba khona ho e hlola." Ho re, "Ke seholotšoana tlase mane feela e—e seterateng nqa e 'ngoe, ka pane ea lekotikoti nqa e 'ngoe, se tiletsa moropana o itseng."

²²⁴ Empa, moena, molaetsa oo, batho ba pelo li lapileng ba timme bana ba bona lijo ho etsa sehlabelo, le ntho eohle esele, le tšehtsa baromua bao, ho fihlela e ile bochabela, bophirima, leboea, boroa. Hohle moo u kenang sechabeng, mello ea pentekosta e tukisoa ke matla a Moea o Halalelang.

²²⁵ Ke kene hole koana likhoeng, batho ba sa tsebeng letsoho le letona ho le letšeħali. Ba ne ba sa tsebe Molimo le letho haese sefika sa mofuta kantle mono. Ke hantle. Ke ne ke ema moo 'me ke behe Lentsoe fatše hantle feela. Eaba Moea o Halalelang o etsa lipontšo le ho bontša, ho bolella batho hore e ne e le bomang, makunutu a lipelo tsa bona, ho ba bontša hore Jesu o itse, "Mesebetsi eo Ke e etsang le tla e etsa le lona."

²²⁶ "Monna enoa, ha ke tsebe lebitso la hae, empa ke tla le peleta, 'me u mphetolele eona." Ke ne ke tla tlameħa ho peleta mohlomong *hakaalo*, ho e ntša *joalo*.

"Amen. Ke hantle." Ba ne ba lula 'me ba sheba.

²²⁷ Ke re, "Joale, Jesu o itse, 'Mesebetsi eo Ke e etsang le tla e etsa le lona. 'Ena e ne e le pontšo ea Hae ea bo-Messia."

²²⁸ 'Me Jesu o haufi haholo le ho tla lefatšeng joale, ho fihlela matla a Hae a qala a qhautsa batho, le ho ba lohanya, ho ba hlophisetra Monyaluo, ho itokisetra ho nkkeloa holimo Hloibilong, Kereke e tla lekana hantle feela, ho nkkeloa holimo.

Ka matla a Eona, ho tla huloa ba bang bohole ba tsoetsoeng labobeli, ho tsoa lefatšeng. Jesu o a tla.

²²⁹ Joaloka ha letsoho la ka le ka akhela seriti lerakong lane, ho feta moo, seriti seo se eketsa ho teba le ho teba le ho teba, ha letsoho la ka le atamela, 'me ka mora nakoana seriti le letsoho la ka li fetoha ntho e le 'ngoe.

²³⁰ 'Me kereke e qalile nakong ea Martin Luther, tlasa tokafatso; tlasa Wesley, ka khalaletso; 'me joale kolobetsong ea Moea o Halalelang, ka Mapentekosta, khutlisetsuo ea lineo. 'Me ho tsoa bathong bao ba Pentekosta O hulela masalla ao holimo *mona*, ho bontša Jesu Kreste, ho halimisa Bophelo ba Hae eena maobane, kajeno, le kamehla, hantle, mohla Maseli a mantsiboea a chabang. Ke hantle haholo.

²³¹ Shebang, hantle holim'a pontšo ea mahlale, re e tšoere hantle Washington, DC, eona Topallo eo ea Mollo. Ba kileng ba E bona ba bakae, Maseli ao? Ehlide. Hohle. Ua bona? Ua bona? Eona Topallo eo ea Mollo e kopaneng le Pauluse, tseleng e theohelang Damaseka. Jesu, mehleng ea Hae lefatšeng . . .

²³² Mang le mang o tseba Kreste, hore—hore Topallo ea Mollo, Lengeloi la Morena le ntšitseng Israele Egepeta, ho kena lefatšeng la pallo, e ne e le Lengeloi la selekane. Mang le mang o tseba seo. Ehlide. Be, e ne e le Kreste.

²³³ Hobane, Bibele e boletse, ho re, "Moshe o ile a khetha sekhobo sa Kreste e le moruo a fetang matlotlo a Egepeta." 'Me o tsamaile le Kreste, pele A fetoha nama, 'me o latetse Leseli leo.

²³⁴ Jesu, mehleng ea Hae lefatšeng, O itse, "Ke tsoa ho Molimo, 'me Ke khutlela ho Molimo." Ba Mo thakhisa. E ne e le Mopholosi ea shoetseng libe tsa rona, 'me a Mo epela. A tsoha a nyolohela Holimo.

²³⁵ 'Me likhoeli tse 'maloa hamorao, Pauluse tseleng ea hae e theohelang Damaseka, eaba o otloa ke Leseli. Sehlopha sa masole se nang le eena, ha ho le a mong oa bona ea Le boneng. Ha ho le a mong oa bona ea 'Moneng haese Pauluse feela. Empa E ne e le joalo—e ne e hlakile hakaale ho eena, ho fihlela E foufatsa mahlo a hae. A foufala nakoana e itseng. 'Me a sheba holimo mono, 'me Topallohali eo ea mollo e leketlile ka pel'a hae, 'me A re, "Saule, Saule, o Ntlhorisetsang na?"

A re, "U Mang, Morena?"

²³⁶ A re, "Ke 'na Jesu, 'me ho thata ho uena ho raha litsenene."

²³⁷ Joale, 'ona Moea o Halalelang oo, re O fumana hantle har'a batho ba pentekosta kajeno, Leseli la mantsiboea, hantle har'a batho ba pentekosta. Eng? Ho rera eona Evangelie eo, ho netefatsa eona Evangelie eo. Tsona lipontšo tse latetseng mono ke lipontšo tse tšoanang tse latelang joale.

²³⁸ 'Me haeba Topallo eo ea Mollo, kapa Leseli, e nang le rōna, e sa hlahisa Moea o tšoanang le bopaki boo O bo hlahisitseng

mehleng ea Oona ka ho Jesu Kreste, ebe e tla ba ke topallo e fosahetseng ea mollo, moea o fosahetseng, e be ntho e fosahetseng. Empa haeba E hlahisa 'me e etsa hantle seo Jesu a se entseng, mohla A boletseng... "Ea lumelang ho 'Na, mesebetsi eo Ke e etsang o tla e etsa le eena." Hantle.

²³⁹ "O tla etsa le e mengata ho ena, hobane Ke ea ho Ntate oa Ka." King James e re e "meholo," empa shebang ho ea mantlha, ho thoe "e mengata." U ke ke oa etsa ntho e kholoanyane. O tsositse bafu, 'me a khutsisa tlhaho, le ntho eohle. Empa A ka etsa tse ngata tsa eona, hobane Moea o Halalelang o ne o sa aha ka ho Monna a le mong feela, Kreste, Mora oa Molimo, O ne o le ka har'a Kereke e ka lefatšeng lohle. "Le tla etsa e mengata ho ena, hobane Ke ea ho Ntate oa Ka." Oh, khili!

²⁴⁰ Eona tšebeletso ea Hae e tšoantšitsoeng mona matsatsing a qetelo. O ne a tšoere tšebeletso ea mofuta ofe? Mo shebeng, joaleka esale ke le theoletse fatše, ho ba pakela.

²⁴¹ Ha re qotseng Mojuda a le mong. "O tlide ho ba Habo ka sebele; ba Habo ha ba ka ba Mo amohela." Bona banna ba pele ba tlileng ho Eèna e ne e le Andrease le Filipi. Ha ke tsebe se hlahileng puisanong eo, ka tlung le Jesu bosiung boo mohla ba neng ba Mo latela. Empa tsatsi le hlahlamang, Andrease a khotosfala ka bottlalo hoba e ne e le Messia. A mo bontša ho hong, a ba a toba Petrose ka kotloloho, moena oa hae, kapa-kapa Simone, 'me a re, "U se ke ua tla joale re mpe re ee ho bona haeba taba ena e le joalo." A re, "Re fumane Messia."

²⁴² Kea kholoa Petrose o itse joale, "Joale, Andrease, joale e re ke u boelle se seng, mora. Joale, le a tseba ntata rona oa khale e ne e le Mofarisi ea lokileng. 'Me o re boleletse, ke hopola ke lutse pel'a mokoroana tsatsi le leng, a re ho 'na, a re, 'Joale, joale, joale, Simone, ntate o lebeletse ho bona Messia. 'Me ntile le pelaelo pele Messia a fihla ho tla hlaha lintho tsa mefuta eohle, ho hlahilemekha ea mefuta eohle. Empa e re ke kholise...' 'Me ha eba joalo. Oh, ee. Batho ba tlide, ba etella likete ba li khelosa, 'me ba timetse, le ntho eohle. Empa, a re, 'Empa e re ke u boelle. Re tlameha ho lula le Lentsoe, Simone. Joale, Bibele e re, Moshe, mohlanka oa rôna, mohlanka oa Molimo ho rôna, o re boleletse, ho re, "Morena Molimo oa rôna o tla hlahisa Messia enoa, 'me E tla ba moporofeta ea joaloka Moshe." Joale, joale, Simone, haeba u 'Mona letsatsing la hau... Ke tsofetse haholo joale. Nke ke ka 'Mona letsatsing la ka. Empa haeba—haeba le 'Mona letsatsing la lona, le hopole, E tla be e le Molimo-Moporofeta.'" Kahoo taba eo e ne e lutseng ka pelong ea Simone. A re, "Ho lokile, Andrease. Ke tla nyolohela kopanong."

²⁴³ Hang feela hoba a fihle ka pel'a Sefahleho sa Morena Jesu, A re, "Lebitso la hau u Simone. Ntatao e ne e le Jona." Eaba ke phetho. O ne a fuoe linotlolo tsa 'Muso. Eo e ne e le pontšo ea Messia.

²⁴⁴ Ke mona ho fihla Mojuda e mong ea thata, a re, “Joale, bea butle motsotso. Hola Messia a tlie, A ka be a theohile ka mehohoma ea Leholimo, le ho theohela tempeleng ea rona e kholo, e ntle eo re e hahileng mona nqa e ‘ngoe,’ joaloka batho ba bang mona ba lumelang hore O tla tla tempeleng e itseng. “Me O tla theohela mona, ‘me O tla bonesa hantle tlase *mona*, ‘me Mangeloi a tla phutla mapheo a oona, ntho e ‘ngoe le e ‘ngoe. Ba re, *Enoa* ke Messia. *Enoa* ke Messia. *Enoa* ke Messia.’ Ho tla ba joalo.”

²⁴⁵ Ke utloa Filipi a re, “Bea butle motsotso. Ha u lumellane le Mangolo ka seo. Lula le Lentsoe. Moshe o re boleletse’ng hore Messia e tla eng? ‘Morena Molimo oa lōna o tla hlahisa moperofeta.’ Le sa hopola monnamoholo eo ea neng a le koo, ea bitsoang Petrose, Simone?”

²⁴⁶ “E. Oh, thaka leo la khale le ne le se na thuto? E. Kea mo hopola. Yaa. Kea mo hopola.”

²⁴⁷ “U—u rekile hlapi ho eèna, ‘me ha a khona ho tekena rasiti ea hau.”

“Yaa. Be, kea mo hopola. Kea mo hopola. Yaa.”

“Khele, eitseha a nyoloha . . . Na u tseba ntatae?”

²⁴⁸ “Be, ehlile. Ruri ke tsebile ntatae hantle haholo. E ne e le Mofarisi oa sebele, e, moiuthuti oa sebele. E.”

²⁴⁹ “Be, eitseha Simone a atamela pela Hae, A mmolella lebitso la hae, le lebitso la ntatae.”

²⁵⁰ “Ah, joale ke lumela hore u se u tlotse moeli. E re ke tsamaee, ua bona. A ke ke a bala kelello ea ka. Ke tla ea fumana.”

²⁵¹ Ho nyolohela mono, ka pela Sefahleho sa Jesu, ‘me Jesu a re, “Bonang Moiseraele eo ho seng mano ho eèna.”

A re, “Na u ‘Moleletse hore u tla ka mora ka?”

Ho re, “Che.”

²⁵² A re, “Rabbi,” ke ho re *moholo* kapa *moruti*. “O kile oa mpona kae? Ke mpile ka tla tšebeletsong ena bosiung bona. U kile oa mpona neng le ka mohla?”

²⁵³ Ho re, “Le pele Filipi a u bitsa, u sa le tlas’ a sefate, Ke u bone.” Mahlo a makakang!

²⁵⁴ A re, “Rabbi, U Mora Molimo. U Morena oa Iseraele.”

²⁵⁵ Empa mono keha ho eme baenahali bao ba mekhatlo ea malumeli. Ba itse, “U a tseba ke’ng? O e etsa ka Belsebule.” Le a bona? Ba ne ba lokela ho arabela phutheho ea bona. Ba ne ba jere litšoanelo tsa lefatše.

²⁵⁶ O ne a jere tsa Leholimo, le a bona, hoba Moshe o itse, “E tla ba moperofeta,” ‘me E ne e le enoa, ho paka hoba E ne e le Moporofeta. Ke hantle. O ne a nètèfalistsoe. Thomo ea Hae e ne e nètèfalistsoe.

²⁵⁷ Ka hona a re, “Joale, kea tseba Thaka lena le etsa joalo. Empa O . . .” A tlameha ho araba phutheho ea bona. Ho re, “Ka Belsebule O etsa sena, O leleka batemona.”

²⁵⁸ Jesu a reteleha, a bona mehopolo ea bona. A re, “Ekare ha le bua taba eo khahlano le ’Na, Mora motho, Ke tla le tšoarela eona.”

²⁵⁹ Joale, ha ba ka ba e bua ba hoeelitse. Bibebe e boletse, “Ba e hopotse lipelōng tsa bona, ’me O lemohile mehopolo ea bona.” E boloke hantle. E, monghali. Ho re, “Bao, ba e hopotse lipelōng tsa bona.” Le a bona? “O—O—O tsebile lipelō tsa bona, mohopolo oa bona.”

²⁶⁰ Ho re, “Joale, ha le bua khahlano le ’Na, Mora motho, Ke tla le tšoarela hona. Empa ka tsatsi le leng, tlase koana lefatšeng la Balichaba, le a bona, Moea o Halalelang o tla fihla hoba Ke tsamaee, ’me O tla etsa ntho e tšoanang. ’Me ho bua lentsoe le le leng khahlano le Oona e ke ke ea tšoareloa, lefatšeng lena leha e le lefatšeng le tlang ho tla.”

²⁶¹ Pele A tloha lefatšeng, O boletse sena. O itse, “Joaloka matsatsing a Sodoma, ho tla ba joalo ho tleng ha Mora motho.” Ke batla ho etsa tlhahiso ena, le ho koala. “Joaloka matsatsing a Lota, tlase mono Sodoma,” ha re boneng seo e neng e le sona.

²⁶² O buile, pele, ka—ka matsatsi a Nohe. A bolela seo ba neng ba se etsa. “Ho ja, ho noa, ho nyala, ho nyalisa.”

²⁶³ Empa mohla A neng a fihla Sodoma, shebang seo A se entseng Sodoma. Sodoma: O buile ka seo bakeng sa mongoaha *ona*. Joale, hopolang, Basodoma e ne e le Balichaba. Le a bona? Lemohang. ’Me eaba ho fihla Banna ba bararo, tsatsi le leng, ho Abrahama.

²⁶⁴ Lihlopha tsa batho li tharō kamehla, tsona ke: bemosalumele, baiphei-balumeli, le balumeli. Re sa ntse re ba fumana kajeno. Ke hantle. Bemosalumele, baiphei-balumeli, le balumeli; Basodoma, Lota, le ma-Abrahama.

²⁶⁵ Abrahama o ne a tšoere tšepiso. E ne e le mokhethoa, sehlopha se bitsitsoeng se neng se ikarohantse, joaloka Kereke ea ’nene ea Molimo o phelang e Ikarohantse le lintho tsa lefatše, hobane o ne a itšetlehile ka tšepiso ea Molimo. Mangeloi a tlide kae, pele? Ho Abrahama.

²⁶⁶ Ha etsahala’ng? Ba babeli ba bona ba theohela Sodoma, bo Billy Graham ba seojoale, ka ntle ho ea Sodoma, ba rera Evangelii, ho se mehlolo e mengata, haese ho ba otla ka bofofu. Thero ea Lentsoe e ba otla ka bofofu. Ha ba etsa mehlolo e mengata, empa ba ne ba hlaba mokhosi, “Tsoang ho eona.”

²⁶⁷ Empa e Mong o buile le Abrahama. Le a tseba, Abrahama o ile a arubetsoa ke maikutlo a hlollang. Ua tseba, ntho e ne e le teng ka Motho eo, e batlang e fapane, eaba o Mo beha leihlo

nakoana, ua tseba. 'Me a borella Sara, ho re, "Joale, u khutlele ka tenteng."

²⁶⁸ Hobane, joale mehleng eo enereha moeti a hlaha, basali ba ne ba sa itšoare joaloka ha ba etsa kajeno. Ba loketse ho matha hantle 'me ba hlahelle, 'me ba nke sebaka sa monna. "Me u ke ke ua rekisa ntho eo, Johanne, haese ha ke u borella." Ua bona?

²⁶⁹ Basali ba ne ba le boitšoaro bo fetisang letsatsing leo. Ba ne ba lutse motšeou ka tlung, ua bona. Ka hona Ba tsoela mono, 'me Sara a lula ka tenteng.

²⁷⁰ Eaba o mathela kahare, ho re, "Sara, luba phofō ka potlako. Ntša maqhutsu ohle ho eona. Etsa tse ling ka leifong, bohobe bo bong."

²⁷¹ Ho tloha le ho tšoara namane, le ho e hlaba. Le ho tloha, ho re, ho ba borella, "E lokise joale u e hlophise."

²⁷² A tsoela mono 'me a kha sehlahla sa khale se ntsintsi, 'me a qala a tšosa lintsintsi. Le ho hlatsoa maoto a Bona.

²⁷³ O tsebile, ho na le nthoana e tukang pelong ea hae. O ka e bolela feela, o a tseba, tse ling. A re, "Thomo ke eo, kea kholoa. Joale, ntho e le 'ngoe, ha nka bona thomo eo thasisetsoa. Ke lumela hore Ba e tšoere."

²⁷⁴ A re, "U a tseba, U—U fetile, ho mpona. Ke lona lebaka leo U tlileng fetileng ka tsela ena." E ne e le 'nete. Ua bona? "Lula tlas'a eike, nakoana, 'me u phomole." Eaba o hlatsoa maoto a Bona, ba sa hlophisa lintho.

Ba lula fatše 'me ba ja.

²⁷⁵ 'Me—'me e ne e le Molimo, Molimo o Matlaohle. Bibebe e boletse joalo. Shebang mono 'me le bone haeba e sa bue ka tlhaku e kholo M-o-r-e-n-a, Elohim. Ke hantle.

²⁷⁶ Joaloka ha motho a buile, hangata, ho re, "Ha u lumele e ne e le Molimo."

Ka re, "E ne e le Molimo. Bibebe e boletse joalo."

"Uena . . ." Ho re, "Molimo 'meleng oo, o jang nama?"

²⁷⁷ "Ehlile e ne e le eona. Bibebe e itsalo. Ha u—ha u lemohe boholo ba Hae." Ke hantle. Ke thabetse haele moo A ka etsa hoo.

²⁷⁸ Be, ntho feela, le a tseba, re mpa re bopiloe ka lielemente tse leshome le metso e tšeletseng: petroleamo, leseli la k'hosmiki, k'halsiamo, potashe, le lintho tse 'maloa tse kang tseo. Be, eaba O li nanabela feela a kha tse tlalang seatla, ho re "Shuu! Kena ka mono, Gabariele," ua bona, Lengeloi. A tlatsa seatla se seng, a re, "Shuu!" Ho re, "Kena ka mono, Mikaele." Ho tloha, "Shuu!" ho hata a kena ka ho eona, ka Sebele. Ke thabetse hoo haholo. Le a bona? Ho tsoa a tsamaea, ho re, "Kea theoha." Ke Molimo oa rōna oo.

²⁷⁹ Le leng la matsatsi ana, lielemente tsena tsohle li tla fela. Empa O tla re, "William Branham?"

Ke tla re, "Ke 'na enoa, Morena." O moholo. Yaa.

²⁸⁰ Ho re, "Ke tlameha ho Itlhahisa pel'a mohlanka oa Ka tlase mane, 'me Ke batla ho ba monna ea tšoanang le eena." Eaba O theoha feela, a lula fatše mono, liaparo tsa Hae li tletse lerôle, a lula fatše a ja. Ho lula fatše.

²⁸¹ A 'na a sheba nqa Sodoma, le a tseba. Abrahama o tsebile ntho e le teng holimo, hoba ke sebaka se khopo sa khale, le a tseba. Eaba o lula a nahana ka eona, ka mokhoa oo. A re . . .

²⁸² Joale, hopolang, lebitso la hae e ne e le Abram, 'me lebitso la Sarra esale e le S-a-r-r-a, Sarra. 'Me matsatsi a 'maloa pele ho moo, Molimo o kopane le eena ka pono le ho fetolela lebitso la hae ho Abrahama, le lebitso la hae ho Sara, S-a-r-a. *Sara*, "mofumahatsana." *Abrahama*, "ntata lichaba."

Eaba O re, "Abrahama."

²⁸³ Abrahama a re, "Oh—oh. Kea tseba ke ne ke nepile. Ntho e fapaneng e teng ka Monna eo."

²⁸⁴ "Abrahama, mosali oa hau o kae," S-a-r-a, "Sara? Mosali oa hau o kae, Sara?"

A tseba hona moo. "Oh," a re, "o ka tenteng."

'Me Bibele e itse, "E ne e le ka mora Hae. Tente, ka mora Hae."

²⁸⁵ A re, "Abrahama, ke . . ." Leemeli la motho; eena Ea buileng le eena. "Ke tla u etela ka nako ea bophelo, ua bona, ka Sara, 'me u tla fumana lesea lena esale u le emetse. U lilemo tse lekholo joale, 'me o mashome a robong. Empa, Ke—Ke tla u fa lesea lena leo Ke u tsepisang lona, hobane u bile khabane, ho ema."

²⁸⁶ 'Me Sara, motšeо kahara tente, a re, "Huh." Ha a e bua a hooeletsa. A tseha, ho itšeheла, a re, "'Na, mosalimoholo, na nka boela ka thaba, le morena oa ka, athe o tsfetse joalo?" Ho re, "Ho ne ho ke ke ha eba joalo. Thaka leo, ebe O bua ka eng?"

Lengeloi le itse, "Sara o tšehele ke'ng?" Hum!

²⁸⁷ E ne e le eng? O ile a tloseletsa ho ea Sodoma. Hang ka mora ketelo ea Lengeloi leo, pontšo eo ea ho qetela e abiloeng, pontšo ea ho qetela e abiloeng, Sodoma ea chesoа.

²⁸⁸ Jesu o itse, "Joaloka matsatsing a Sodoma, ho tla ba joalo ho tleng ha Mora motho."

²⁸⁹ Molimo o sebelitse le Kereke ea Hae, nako eohle, ka lipontšo, meeka. Empa ntho ea ho qetela e ne e tla ba Molimo o bonahetseng nameng ea Kereke ea Oona, joaloka ha A ne a le nameng ea motho mono, le ho bontša eona pontšo eo, hore Messia o ne a se a Itšoantšitse har'a batho, pele mollo o tšolohela letsatsi la ho qetela: litšoanelo, ho tiisa hore Lentsoe leo Jesu a le tsepisitseng ke 'Nete. Ha re rapeleng.

²⁹⁰ Ntata rōna oa Leholumō, ke Lentsoe la Hau, netefatso ea thomo. Leo ke Lentsoe la Hau, Ntate. Re ka E bua feela. Ke U

rapela ho E tiisa, Morena. 'Me ke tseba seo . . . Ke bakeng sa- . . . rapela hore U tle o ntšoarele letšoho la ka, le a—le ho se tsebe ho bala ha ka, tsohle ka eona, le ho tlosa ntho eo mohopolong oa batho, mokhoa oa ka o fokolang, o khabelang ho leka ho tlisa molaetsa. 'Me—'me Moea o Halalelang o theohela holim'a ka, ha ke—ke—ke tsebe nka etsa'ng haese ho E bulela, Ntate, ea lutseng mona le banna le basali e leng baeti le bafeti.

²⁹¹ Athé, lefatše lohle le a reketla, kajeno. Ba—ba re joale, matsatsing a 'maloa, joale ba tlil'o potisa motho lefatšeng, mopotolohong oa lona, ho mo likolosa lefatše, ho leka ho nyollela motho khoeling. Lefatše lohle, le a thothomela le a reketla. Lichaba tse nyenyane, hohle, ka limisale tse ka phatlolang lesoba mobung, botebo ba maoto a lekholo le mashome a mahlano, lisekoere maele tse makholo a mabeli le mashome a mahlano kapa tse makholo a mararō. Tse tharō tsa tsona ka nako e le 'ngoe li ka tebisa lefatše lohle. Lefatše lohle le maemong a methapo.

²⁹² Likereke li furaletse Lentsoe. Ho fumanoa mekhatlo ea mefuta eohle le malumeli a jereng litšoanelo tsa lefatše. 'Me—'me ha u se setho sa tsona, u ke ke ua sunya hlooho ea hau ho e 'ngoe ea likereke tsa bona.

²⁹³ Empa, leha ho le joalo, joaloka ha ho bile morao koana mehleng ea Nohe, joaloka ha ho bile mehleng ea Bibele, U sa ntse u tla roma baporofeta ba Hau le bahlanka, Morena, ka thomo, ka netefatso ka mora eona. Molimo, ke thabetse hoo, hore U e tšepisitse.

²⁹⁴ 'Me joale, Morena, U itse, "Se tšabe, Mohlatsoana. Mohlatsoana, ke thato ea Ntata lona ho le fa 'Muso."

²⁹⁵ U itse, "Joaloka matsatsing a Nohe, mohla sehlotšoana seo se neng se pholosoa feela ka metsi, ho tla ba joalo ho tleng ha Mora motho." Matsatsing a Lota, mohla . . . Mehleng ea Nohe, "Ba ne ba ja, ba noa, ba nyala, ba nyalisa." 'Me e shebe kajeno, Ntate, re bona seo. Joale, e ne e lebisitsoe lefatšeng la sebe le neng le etsa hoo.

²⁹⁶ 'Me joale shebang matsatsi a Lota, kamoo khopamiso, basodoma! Oh, kamoo lefatše, naha eohle, boholo ba 'muso oa rona bo metsitsoe ke eona, le hohle. Oh, re jeloe ke seboko, Morena, ke batemona le matla a sera.

²⁹⁷ Lefatše lohle le tšohile ho isa lefung. 'Me ntho eohle ea rōna . . . Esita le sechaba sa rōna eka moshanyana ea fetang hara mabitla bosiu, a letsa mololi, ho itlosa tšabo. Re a tseba e robetse monyako.

²⁹⁸ Kereke, Morena, U itse, "Phahamisa mangole a hau . . . Phahamisang mahlo a lona ha lintho tsena li qala li etsahala. Topollo ea hau e haufi."

²⁹⁹ Moea o Halalelang o tšolletsoe holim'a Kereke ea Hau. U bitsitse batho ba sechaba ka seng, Meksiko, e mosoeu, Anglo-

Saxon, mammala, Moethopia, merabe eohle e fapaneng, lefatšeng lohle. Joaloka baromua ba Hau ba banyenyane ba Moea o Halalelang ba tlohile, ba lapile, ba bolaoa ke tlala, bongata ba bona ba bolailoe, ba thakhisitsoe, ba songoa, le ntho eohle ese. Ba tsamaile ba sa tšehetsoa ke kereke ea tonana. Ba ile ba tsoelapele ka thomo ea Molimo, ka, “Mehlolo ena e ntse e tsamaea le ba lumelang.” Ke kopane le bona masimong a boromua koana, Morena. Re fumane matla a maholo a Molimo, ho bua ka lipuo, ho fetola lipuo. Re fumane likolobetso tsa Moea o Halalelang, liponahatso tsa matla.

³⁰⁰ 'Me joale, Morena, joaloka ha U nkile Abrahama, o emetse Mokhethoa, ea bitsitsoeng. U fetisitse Abrahama lehoatateng leo, a ikarotse. U 'montšitse lipontšo tsa mefuta eohle. Empa pontšo ea ho qetela e ne e le mohla Molimo, ka Sebele, a Iponahatsang ka nama.

³⁰¹ Jesu, U boletse, “Joaloka letsatsing leo, ho tla ba joalo mohla Mora motho a tlang.” Tloo, Morena. Lena ke Lentsoe la Hau, ka kotloloho eo ke Le tsebang kateng. Kea Le lumela, Morena. Ba bang ba teng mona ba Le lumelang. E boele e etsahale, Morena. E ke e etsahale Tempe, e le tiiso ea ho atamela ha Morena Jesu. Aba sena, Morena. E tla re natlafatsa bohle, Morena. E tla matlafatsa baena bana. E tla natlafatsa bareri ba Hau hohle. E tla natlafatsa phutheho. E tla re thabisa bohle. Aba sena, Ntate.

³⁰² Joale, bohole boo nka bo tsamaeang ke ho bua Lentsoe la Hau. Joale, Morena, e tlameha ebe Uena ea netefatsang. Nke ke ka khona. Empa haele thomo, ke rerile 'Nete, kea lumela, Ntate oa Leholidō, hore U tla Le thasisetsa ka lipontšo tseo U tsepisitseng li tla hlaha letsatsing lena. Fana ka sena, joale. Ke ineela ho Uena, 'moho le kereke ena, le Lentsoe. Joale, Ntate, re tla U emela, ha U ka re bontša feela hore U mahareng a rona. “Mesebetsi eo Ke e etsang le tla e etsa le lona.” Eo ke tsepiso ea Hau.

³⁰³ 'Me, Ntate, kamoo e ka natlafatsang baena ba bang mona, kamoo e ka natlafatsang kereke; ntho eo e seng khopolo-taba feela, ntho eo u e itseng, “Yaa, esale ke utloa taba ena e boleloa ka linako tsohle.” Empa, Ntate, ba ke ba U bone u le Molimo o bolokang Lentsoe la Hau. Joale, ho tla hlokoia ho fetisang 'na, Ntate. E tla qosa kereke ena ka khopolo e le 'ngoe. E tla nka tumelo ea sebele ho e etsa. Empa kea rapela, Ntate, hore U tle u e abele tlotliso ea Molimo, ka Lebitso la Jesu. Amen.

³⁰⁴ Joale, metsoalle, mola oa thapelo. Oh, ke masoabi. [Moena O'Donnell o re, “Qhoba hantle. Ho lokile.”—Mohl.]

³⁰⁵ Ntšoarelengmekhoa ea ka e roalehileng, e khaolang sefaleng. Ke—ke le rapela ho e etsa. Empa ke sa tsoa feta ho hlahluba *Lekhotla La Pele Ho Nicene*. 'Me ka nka *Babilona Tse Peli* ka Hislop, le ea Broadbent *Pilgrim Church*, lona *Lekhotla la Pele Ho Nicene*, *Lekhotla La Nicene*, le *Lekhotla la Ka Morao Ho*

Nicene, Bontate Ba Nicene, ho bona kamoo Moea o Halalelang o ba tsamaisitseng kateng. Ba se na le aletare ka kerekeng ea bona. Ba se na letho le kang sefapano. Roma e Katolike e ne e qatsohile ka tšomo, ka sefapano. Empa thuto ea 'nete ea Motheo e ile ea lula e hlakile, e na le meaho e menyenyane e se nang letho haese li-slabs feela. 'Me ba ne ba . . . Monna ea itseng oa morapeli o ne a hhalosa Lentsoe la Molimo, 'me matla a Molimo a ne a tla theoha. Ba ne ba phahamisa matsoho a bona feela 'me ba rorise Molimo. Ba ne ba bua ka lipuo, 'me mehlolo le meeka e ba latela. E, monghali.

³⁰⁶ Polycarp, Ignatiuse, Martin, Irenaeus, Columba, oh, khili, Justine, ke ba bakae ba barapeli ba sebele ba sa kang ba lumellana le kereke e 'ngoe eo, lehlakore la eona la Roma. Ba ile ba lula e le katolike. Le rona re katolike, katolike ea boapostola. Joale, *katolike* e bolela "e ka lefatšeng lohle."

³⁰⁷ Empa Moroma oa Katolike o ile a hloma sefapano le litšomo, le lintho tse joalo, le ho re, "Ha se Bibele." Bao, "Molimo o no o le ka kerekeng ea Oona."

³⁰⁸ Molimo o Lentsoeng la Oona. Bibele e boletse, "Ekare ha e mong a tlosa kapa a eketsa letho ho Eona, le eèna ho tla tlosoa, kabelo ea hae, Bukeng ea Bophelo." Re lumela feela seo Molimo o se buileng, 'me ke phetho. Joale, ka hona, re sa ntse re lumela Molaetsa oo.

³⁰⁹ Joale, batho ba kulang ba teng mona bosiung bona. Ke le boleletse, hore Molimo o tiisa thomo ea Hae. Ke hantle. Molimo o hlokomela Lentsoe la Oona, ho Le tiisa. Ntho feela eo A lekang ho e etsa ke ho fumana pelo eo A ka kenang ho eona.

³¹⁰ Joale, le se hopole hore u tla e etsa ho feta tekano. U ke ke. Na le ka nahana e—e hlatoana e bolelele ba halofo-inchi, kantle koana mahareng a leoatle kantle koana, e ntse e re, "Ke mpe ke noe metsi ana ka paballo. Nka tšoha ke felloa"? Ruri lekhale. Ha e le hantle, u ke ke ua qeta matla a Molimo le molemo oa Molimo. Ehlide u ke ke oa khona, ka hona bula feela . . .

³¹¹ U re, "Be, ke amohetse Moea o Halalelang." Oh, ho na le feela—feelaa . . .

³¹² Maholimo ohle a tletse Oona. Le a bona? Molimo o mpa o leka feela . . . joaloka e . . . Haeba e ne e le ntho eohle, maholimō 'ohle, e ne e le mothamohali oa motonana, 'me u fumana lepatsonyana le le leng. O ntse a leka ho bokella . . . Metsi ao a tla leka ho itšohlometsa. Moea o Halalelang o ntse o leka ho Intlafatsa joalo ka ho uena, ka mokhoa oo, ka mokhoa oo, ho leka hore u Le lumele. Kea tseba hoo ke 'Nete. Joale, ke lumela hore . . . Na ba abile . . .

³¹³ Na o abile litlankana tsa thapelo? Ke tla rapela. Kea kholoa o entse hoo. [Baena ba re, "E."—Mohl.] Ho lokile. Joang . . . O kae? Eng? Ntšoareleng. 'Ngoe ho fihla ho mashome a mahlano. Ho lokile. Re ke ke ra ba emisa hang. Ka hona ha re emeng

mohlomong... Khele, hoo ho itoketse, emang feela, le tsamaee, mohlomong molana ona o khutlele morao mona, ba tle ba khone ho tsamaea nakoana. Ho na le galase ea metsi, kea kholoa, e lutseng mono, ha u ka sheba. Ho lokile.

³¹⁴ Ha re nkeng palo ea pele, peli, tharo, bone, hlano, tšeleta, supa, robeli, robong, leshome. Ba ke ba eme. Nomoro ea pele, ke mang ea nang le eona? Nomoro ea pele ea karete ea thapelo? E mpa e le karete ea thapelo e nang le nomoro ho eona. Palo ea pele, bobeli, boraro, bone, ka mokhoa oo. Nomoro ea pele, karete ea thapelo, ke mang ea nang le eona? Ka sebele ho na le ho hong ho phoso.

³¹⁵ Ho e bua ka Sepanishi. Palo ea *pele* ke efe, ka Spanishi? [Motho o re, "Uno."—Mohl.] Uno, ke mang ea e tšoereng?

³¹⁶ Palo ea pele? Ho thoeng? Ho lokile, hantle mona. Palo ea bobeli, ke mang ea e tšoereng? Palo ea boraro, bone, hlano, tšeleta, supa, robeli? 'Ngoe, peli, tharō, emang hantle *mona*. Re tla rala mola. Huh? Yaa. E itoketse. Ho lokile. Ho lokile. Ho lokile. 'Ngoe, peli, tharo, 'ne, hlano, tšeleta, supa, robeli, robong, leshome. Ba ke ba tle. Tloong hantle ka lehlakoreng *lena*, ka kopo.

³¹⁷ Ha u sa khone ho ema joale, phahamisa letsoho la hau. Re tla hlokomba hore u fihle mona. Re tla hlokomba. Motho e mong o tla u thotela holimo mona. Le a bona?

³¹⁸ Tšeleta, supa, robeli, robong, leshome. Leshome-'ngoe, leshome-peli, leshome-tharō, leshome-'ne, leshome-hlano, leshome-tšeleta, leshome-supra, leshome-robeli, leshome-robong, mashome a mabeli. Ba ke ba tle, ho tloha ho 'ngoe ho ea ho mashome a mabeli joale, le mpe le fole mola holimo *mona*. Ho lokile. Ke hantle.

³¹⁹ Joale, haeba le tšoere litlankana tsa lona, tloong, metsoalle. U se ke—u se ke—u se ke ua checha, hobane u ntse u qhekella motho e mong, u a bona. U se ke ua tšaba ho tla, haeba u nkile karete ea hau. Tloo, haeba ba u file setlankana.

³²⁰ Joale, moshanyana o tla ka littlankana tsena, pele. O ema holimo mona 'me o a li tsoaka, 'moho, mashome a mahlano kapa lekholo, kapa seo a se etsang. Ho theoha ka mola hantle, ho abela motho mang kapa mang. Motho e mong a ka fumana "nngoe," e mong "leshome," e mong "mashome a mahlano," 'me e mong "mashome a robong," ka mokhoa oo. Ha re tsebe moo ba leng teng. Bohle ba qalikane. Hoo ho siea moshanyana a sa tsebe eng. Ka hona, moshanyana ha a tsebe moo ke tla bitsoa ho tsoa teng, bosiung boo. Hobane, le a bona, ha ke tsebe, ka bonna. Nka qala... Ba bakae ba kileng ba etela likopano pele, 'me ua tseba hore ke tlolaka hohle ka eona? Ho lokile. Le a bona?

³²¹ Ka hona, hangata, batho ba tšaba ho nyoloha, hoba libe tsa bona li bitsoa kantle mona. Joale, haeba u entse phoso, 'me u sa batle ha e hotolloa kantle, u mpe u itulele, ke phetho, hoba

ruri O tla e etsa. Uh-huh. Ba e tsebang e le 'nete ba bakae? E, monghali. Ruri ke 'nete. Joale, haeba u—haeba u ahlotsoe 'me u le tlasa sebe, khele, u se ke ua tla. Empa haeba u se joalo, haeba u le tlasa Mali, tloo. Ua bona? Ho lokile.

³²² Joale, ho lokile, be, re tla qala hantle mona 'me re bone more ka eang teng.

³²³ Joale, ba kulang ka mona ba bakae, 'me ba kena 'me ha ba fumana setlankana sa thapelo, nako e fetile kapa ho hong? Phahamisang matsoho a lona, hohle, ka mohahong, ho lokile, ha le na setlankana sa thapelo.

³²⁴ Joale, mosali e monyenyan o kile a feta hara letšoel. Mohlomong a se na setlankana sa thapelo, empa a ama mophetho oa seaparo sa Hae. Eaba ke ho fela. Ho lokile. A ama qola ea seaparo sa Hae, 'me a phelisoa.

³²⁵ Joale, lōna ba lumelang ka pelō eohle ea lōna, lōna ba lumelang sena ka 'nete ka pelō eohle ea lōna, u re feela, "Morena Jesu, ke lumela sena ka pelō ea ka eohle, 'me ke tla U amohela, le ho lumela sane... Kea tseba Moena Branham ha a ntsebe, kapa ha a tsebe letho ka 'na. 'Me ha U ka ntumella feela ho ama seaparo sa Hau!" Joale, Bibele e re...

³²⁶ Joale, bareri ba tla paka sena. Bibele e bolela, ho re, "Jesu Kreste ke Moprista e Moholo, hona joale, ea ka angoang ke maikutlo a mahlomola a rōna." Na hoo ke 'nete? "Moprista e Moholo ea ka angoang ke maikutlo a mahlomola a rōna." Ke eèna, hona joale.

³²⁷ Be, ka hona, haeba E le Moprista e Moholo ea ka angoang ke maikutlo a mahlomola a rōna, Moprista e Moholo eo o ne a tla itšoara joang ha A ne a angoa? Haeba E le Jesu eo E neng e le eena morao mane, O ne a tla itšoara ka ho tšoana. A ke ke a fetola litsela tsa Hae. A ke ke.

³²⁸ Haeba A buile morao mono, "Be, Ke ba bolokile ka baka la ho lumela ho 'Na, empa kajeno Ke—Ke—Ke tla ba pholosa ka lebaka la chelete ea bona e ngata," A ke ke a etsa joalo.

³²⁹ O tlameha ho tiisetra boitšoaro ba Hae ba pele. Ua bona? Ha Molimo o etsa qeto le ka mohla, e phethahetse. E ke ke ea fetoha le ka mohla, hape. Molimo ha o fetole lenaneo la Oona le ka mohla, ua bona, haeba E le Moprista e Moholo ea ka angoang ke maikutlo a mahlomola a rōna, 'me u Mo amme ka tumelo ea hau...

³³⁰ Joale, ha O na matsoho a letho lefatšeng haese a ka le a hau. Na ho joalo? "Ke 'na sefate sa Morara; lona le makala." Joale, Morara ha o behe tholoana, ha ke re? Makala a beha tholoana. Ka baka leo Morara o mpa o hlasimolla lekala feela, empa, le a bona, lekala... Morara ha o a bopeloa hoo, le a bona, O Khanyeng, Ke Moea o Halalelang, joale, ha A behe tholoana, empa O a u matlafatsa 'na le uena, re tle re utloisisane, ka lipuo, tseo A li

buang ka rona le ho etsa mosebetsi oa Hae, ho tiisa thomo eo re rometsoeng ho e etsa. Lea e utloisia joale, mang le mang? [Phutheho e re, “Amen.”—Mohl.]

³³¹ Joale u rapele, ’me u re, “Morena Jesu, ke tla lumela sena ka-ka pelō ea ka eohle. Ke—ke—ke tla e lumela ruri ka sohle se leng ka ho ’na. ’Me ke lumela hore U tla—ho mphelisa. ’Me ke tla, ka pelō ea ka eohle, ho leka ho ama qola ea seaparo sa Hau, ho tsepa U tla mphelisa,” joale, u lumele seo feela, “kapa moratuo.”

³³² Joale, ke tla le kopa. Ka eng . . . Joale, lea tseba hore ke mopentekosta. Ke—ke lumela ho hoeletsa, ho rorisa Morena. Empa ke tla le kopa ho etsa sena. Joale, ha re etla, ke batla le apare tšabo feela eo le ka e khonang. Joale, ipate feela joale. Lahlela lipelaelo tsohle tsa hau hole, le ho re feela, “Joale, Morena Uena, nthuse.” Molimo o tla e etsa, ha u ka e lumela feela.

³³³ Joale, joale, mona ho eme mosali. Ha ke eso ’mone bophelong ba ka.

³³⁴ Joale, mang kapa mang ea *teng* mona. Ka linako tse ling ha ke tsebe seo ke se buang; haeba e nkhahlola, ke pono. Joale haeba u . . . Na le nkutloa hantle joale? Ho lokile. Joale le apare tšabo ea sebele.

³³⁵ Joale, mosali ke enoa o eme. Joale, setšoantšo se setle sa Bibele ke sena. Re basele e mong ho e mong. Ha ke u tsebe. Joale, u ka ntseba, ka ho tseba hobane ke Moena Branham. Empa ha ke u tsebe, ka mokhoa ofe.

³³⁶ Joale, sena ke setšoantšo se kang sa Santa Johanne 4. Jesu o kopane le mosali eo A eso ’mone, kapa tšali a e-so Mo tsebe. O Mo tsebile e le Mojuda, empa ke phetho seo a se tsebileng. ’Me eaba Jesu o bua le mosali enoa nakoana. O ne a etsa’ng? O ne a hokahana le moea oa hae. Ua bona?

³³⁷ A hloka ho pota le ka Samaria. ’Me ha A feta le Samaria, A kopana le mosali enoa. Hobaneng? Ntate a Mo isa Samaria. “Nyolohela Samaria.”

³³⁸ A sa tsebe seo a ka se etsang. Mosali enoa a tsoa. A nahana, “Mohlomong sena ke seo Ntate a se batlang.” Hobane, A re . . .

³³⁹ Hoba A folise monna eo mono . . . ea neng a holofetse, a sa holofala, empa kea kholoa o ne a tšoeroe ke boloetse. Ho Santa Johanne 5, khaolo e latelang, kea kholoa ke eona. A feta letšeng la Bethesda, ’me teng ho robetse monna ea holofetseng lilemo tse ’maloa, a le mahlomoleng. Joale, a ka tsamaea. Empa Lengeloi la theoha la fuluha letša. Lōna baena le tseba moo ke buang. ’Me eaba Jesu o a feta, le ho re, a re, mabapi le ho ea letšeng, a re, “Ha ke na motho ea ka nthusang. Motho a ka nketa pele hantle ho mpheta. A ka fihla pele ho ’na letšeng,” ka mantsoe a mang.

³⁴⁰ A re, “Nka liphatse tsa hau u kene tlung ea hau.” A nka liphatse tsa hae a ikela.

³⁴¹ Joale, Jesu ha a folisa e mong oa bona, 'me matšoele a le teng, likete. Hobaneng A sa etsa hoo? Eo e etselitsoe phutheho, bakeng sa rona bareri. Molimo o tletseng kutloelobohloko. Na ho joalo? Matšoele a shoeleng litho, lifofu, ba omeletseng litho, ba qhoalileng, batho ba mefuta eohle. Na Bibele e itsalo, baena? 'Me A ea ho monna a le mong ea nang le phokolo. O ne a sa foufala. O ne a khona ho tsamaea. E ka 'na eaba o ne a e-na le bothata ba tšoelsea ea senya. E ka 'na eaba o ne a e-na le lefuba le holofetseng. E ne e ke ke ea mo bolaea. A se a nkile lilemo tse mashome a mabeli a metso e robeli, 'me e sa tlo 'molaea. 'Me A ea ho monna eo. Hobaneng? Eaba, o folisa hoo feela, 'me a tloha a ikela.

³⁴² Hola A ka fihla Tempe bosiung bona a etsa hoo? Ba ne ba tla Mo nyatsa hona moo. Ho joalo, baena? Ba ne ba tla Mo nyatsa. Empa, hopolang, Jesu o tsebile monna eo 'me o tsebile a le maemong ao nako ena eohle. Na ke seo A se buileng?

³⁴³ Joale, ha Bajuda ba fumana monna enoa, a ba bolella hore ke Mang ea entseng hoo. Ba fumana Jesu 'me ba Mo botsa. Le nahana ba ka Mo botsa bosiung bona? Ehlile.

³⁴⁴ O itseng? "Kannete, nete, Ke re ho lona, Mora o sitoa ho etsa letho a Inotši, empa seo A bonang Ntate a se etsa: Mora o se etsa joalo le eena." Na ho joalo? Ka hona, ho latela Lentsoe la Oona ka sebele, ha A etsa letho pele Molimo o Mo bontša pono se lokelang ho etsoa.

³⁴⁵ Hopolang Elia, therong ea rona bosiung bona? "Ke entse hona hohle ka taelo ea Hau." Moporofeta ofe feela oa Morena o tsamaea kamoo Morena a mo tsamaisang kateng.

³⁴⁶ Joale ha re e bapiseng. Joale, Kreste ke Moea o Halalelang o leng ka mona joale. Joale, ke lumela ke utloile ke tataisoa ho tla Arizona. Jesu o ikutloile a tataisoa, a hloka ho pota le ka Samaria. Ke utloile ke tataisoa ho tšoara tšebeletso ea pholiso Tempe bosiung bona, ha ke eso tšoare e 'ngoe holimo mona. Ha ke tsebe lebaka.

³⁴⁷ Be, u ka tšoha u le motho oa pele holimo mona. Ke moo, Santa Johanne 4, hantle hape. Ha ke u tsebe. Ha u ntsebe. Ha ke tsebe letho. U ka ba moetsalibe. U ka ba moikaketsi. U ka ba bohloleng. U ka ba mohalaleli oa morapeli. U ka kula. Mohlomong u emetse motho e mong sebaka. Ekaba u na le mathata a lichelete. Ha ke tsebe seo u nang le sona. Ha ke tsebe letho ka uena. Joale, ke hantle, ha ke khone. Joale, haeba ke le moeti, mosalumele ea itseng e ka ba o lutse, phahamisa letsoho la hau, haeba re le joalo, haeba seo—seo e le 'nete. Ua bona? Joale, haeba Moea o Halalelang . . . ka ho holehana le moea oa hae.

³⁴⁸ Joale, bobeli reeme mona, monna le mosali, joaloka bona. 'Me Jesu a bua le eëna ho fihlela A fumane bothata ba hae. Na ho joalo? Joale, bohole ba tsebang hoo e le 'nete, e reng, "Amen."

[Phutheho e re, “Amen.”—Mohl.] A fumana bothata ba hae, ’me A ’molella bothata ba hae.

³⁴⁹ ’Me a re, “Monghali, U tšoanetse u be u le moporofeta.” Ua bona, ba hlokile baporofeta lilemo tse ka bang makholo a mane. A re, “U tšoanetse u be u le moporofeta. Joale, rea tseba Messia mohla a tlileng, ena e tla ba pontšo ea Messia. O tla re bolella lintho tsöhle.” Na ho joalo?

Be, Jesu o itse, “Ke ’Na ea buang.”

³⁵⁰ Joale, haeba e ne e le pontšo ea Messia mohlang oo, ’me esale Eëna maobane, kajeno, le kamehla; feela, ka sebopoho sa Moea o Halalelang, ka ho sebelisa nama ea ka, moea oa ka ha ke o nehela ho Eena, ’me nka bolelloa moo bothata ba hau bo leng teng, u tla tseba hore e ne e lokile kapa che, hobane u paki ea ntho eo. Joale, haeba u . . .

³⁵¹ Haeba ke ne ke tšoere tšebeletso ea pholiso, kea nyoloha, ho re, “Khanya ho Molimo! Ho kula, khaitseli?”

“E. Ke tšoeroe ke TB”

³⁵² “Khanya ho Molimo!” Ho u bea matsoho. “Alleluia! Amohela pholiso ea hau.”

³⁵³ Joale, baena ba bangata ba khabane, ba kang Moena Oral Roberts le bao, ke banna ba sebele ba Molimo. Eo ke neo ea bona. Ba re, “Khanya ho Molimo! Kea e lumela. Uena?”

“Ee.”

³⁵⁴ Ke lumela hore u tla fola. Ehlide, ke lumela seo. E, monghali. Kea lumela. U ka ea ho molisa oa hau, haeba u le Mokreste, kapa ntho efe e kang eo, ke lumela hore u tla—u tla e etsa.

³⁵⁵ Empa joale ho ka thoeng haeba A fihla a u bolella seo u se entseng. Joale, u tla tseba haeba e le ’nete kapa che. ’Me ha A ka u bolella se entsoeng, ruri u ka lumela ha A ka u bolella se tla etsoa. Na ho joalo? [Khaitseli o re, “Hantle.”—Mohl.]

³⁵⁶ Joale, ba bakae ba lumelang hoba hoo e tla ba bopaki, haeba A e etsa, hore Ke Jesu Kreste Messia, eena maobane, kajeno, le kamehla? Joale, hopolang, e seng ’na. Che. Ke joaloka maekrofounu ona, o semumu ka ho phethahala. Nka tseba joang? Ke se ke ipoletse ho lona, le ho eena, le ho rona ’moho, ha re, ha re eso bonane. Ka baka leo e tla qosa matla a tsoang sebakeng se seng.

³⁵⁷ Joale, u ka lumela joaloka ha ba bang ba bona ba entse, le ho re, “U Mora Molimo, Khosi ea Iseraele.” Kapa, u ka re, “Hum. Ke liabolosi, senohe, moea o mobe oa mofuta.” Ka hona, ke taba e lipakeng tsa hau le Molimo. Le a bona? Joale, joale, hoo ho ho uena, ho ahlola Seo. Ua bona? E itšetlehile ka boitšoaro ba hau nqa Eona.

³⁵⁸ Empa, ho 'na, ke Jesu Kreste. E joalo, ho 'na, hobane tsepiso ea Hae. 'Me joale haeba A entse tsepiso 'me a nthoma, 'me a mphile lipontšo tseo . . .

³⁵⁹ 'Me lilemong tse ngata tse fetileng, ke ne ke le 'moho le lona batho ting mona, 'me A mpha pontšo, ha u ka bea letsoho la hau holima la ka. Ke ba bakae ba hopolang seo? [Phutheho e re, "Amen."—Mohl.] Nka le bolella, ha nka thola metsotsso e 'maloa. Nke ke ka laola, empa ho bolela hore u na le e—e hlahala kapa seo e neng e le sona. E ne e phethahetse. Na ho joalo?

³⁶⁰ 'Me ke le boleletse, hore O mpoleletse, "Ha nka ba le hlompho 'me ka lumela, 'me ka itulela ke lokolohile," 'me, hoo, ha se ho tloha ho qela chelete. 'Me ha ke eso phuthe monehelo bophelong ba ka. Ua bona? Le ntho eohle, "Le ho phela ka 'nete ho Eèna, hore e ne e tla etsahala, hore, ke tla bolella batho lona lekunutu la pelō ea bona, ntho e 'ngoe." Ba ke ke ba latola seo. Le a bona? Le a bona? Le sa nkhopola ke porofeta seo? [Phutheho e re, "Amen."—Mohl.] Joale e etsahetse. Le a bona?

³⁶¹ Joale, joale le apare tšabo feela. U re, "U emetse'ng, Moena Branham?" Bakeng sa Hae. Ha ke tsebe mosali eo. Haeba A sa ntlotse, nke ke ka e etsa. Ke phetho.

³⁶² Ba bakae ba boneng setšoantšo sa Lengeloi la Morena, Mollo oo, Topallo ea mollo? Ba E katlalitse, ba E tšoere lefatšeng lohle joale. E koana Washington, DC, ka holong ea borapeli ea art. Ke Boleng bo ka holim'a tlholeho feela bo kileng ba pakoa ke mahlale.

Ke tilo bua le uena motsotso feela, khokahano.

³⁶³ E. Ho bokoe Morena. Uh-huh. Ke Ena. Uh-huh. Nke ke ka u bolella kamoo ke e tsebang, empa ke a tseba O teng mona hantle joale. Le a bona? Ke hantle. E mona hantle joale. Ho lebohuoe Morena. Ua bona? Ke Ena joale.

³⁶⁴ O na le lefu la letlalo leo u batlang hore ke le rapelle. Haeba ho le joalo, phahamisa letsoho la hau. Joale, na u lumela seo ka pelō eohle ea hau?

³⁶⁵ Joale, u ka re ke e hakantse. Ua bona? Joale sheba 'me u bone haeba re e lekantse. Ua bona? Le apare hlompho ea sebele. Ekare motho ea lokileng.

³⁶⁶ Joale, hona joale ke ne ke sa khone ho u bolella seo ke u boleletseng sona, pele. Joale, motsotso feela. E, lefu la letlalo, u na le lona. Le u ts'oere nako e itseng. Ebile e rapeletsoe, bakeng sa eona. Hape, phoso e teng ka lephako la hau. Ke hantle. E hlahisitsoe ke kotsi ea koloi. Hoo ke HO RIALO MORENA. Joale u a lumela, ha ke re? Ka Lebitso la Morena Jesu Kreste, ke kopa pholiso ea hae. Amen. E-ea, u lumela.

³⁶⁷ Na u a lumela esale Eèna maobane, Maseli a mantsiboea a Moea o Halalelang?

³⁶⁸ U phela joang? 'Na le uena ha re tsebane, khetlo la pele la kopano ea rōna. Hola nka u folisa, nka etsa joalo. Ke mpa ke eme sebakeng sa Mophekoli, joaloka lengosa le laetsoeng, ho rapella tiiseletso ea Hae. Empa ha Molimo o ka mpolella lebaka la hau mona, u a lumela ke moporofeta oa Hae, kapa mohlanka oa Hae? U tla e lumela na?

³⁶⁹ Ntho e le 'ngoe, u okametse ke seriti, ho bontša hore u tšoenngoa ke maemo a methapo, pherekano ea kelello, maemo a methapo. E mpefala mantsiboea ha letsatsi le qala ho likela. Ke hantle. Hape, ntho e 'ngoe, lethopa lea u tšoenya. U a lumela Molimo a ka mpolella moo lethopa leo le leng teng? Le letsoeleng le letona. Na hoo? Na u a lumela joale? Joale, Ntho e teng holim'a ka, ho rialo, ho tseba seo. Na ho joalo? U a lumela E ne e le Molimo? Eaba Jesu o re, "Mehlolo e tla tsamaea le ba lumelang ke eona ena: ha ba bea bakuli matsoho, ba tla fola." Molimo a u hlohonolofatse. Amen.

E bang le tumelo. Le se belaele. Lumela feela ka sohle se leng ka ho uena.

³⁷⁰ Mothaka e monyenyane mono ea tlamileng thae e methalo mono, tlohela ho tšoenyeha. Athritis eo e tla u lesa, haeba u e lumela ka pelō eohle ea hau. U a bona? U ne u lutse moo, u emetse seo, ha ho joalo? 'Me ha u na setlankana sa thapelo. Ha u se hloke. E lumele feela.

³⁷¹ Ua bona, tumelo ea hae e amile ho Hong. Lea tseba hore monna eo ha a ama 'na. O bohole ba maoto a mashome a mabeli ho tloha ho 'na. Na ho joalo? Empa o amme eng? Moprista e Moholo.

³⁷² Ke ne ke shebile ka mona ho mosali *enoa*, monna o ne a le teng. Ka sheba, e ne e le monna. Ka re, "E ke ke. Ho na le... . Eo ke mosali." Ka sheba, monna ke eo. Ka sheba Leseli leo, le leketlileng *mona*, la tloha la oka-oka holim'a hae. Ka 'mona a leka ho tsoa betheng, ka mokhoa oo. Ke eona. Le a bona? Ke eo. E ke e be bopaki. Na ke bona? U ne u lutse, u rapella seo. Na ho joalo? Lumela ka pelō eohle ea hau joale, 'me u tla fola.

³⁷³ Ka hona, "Ha u ka lumela, tsohle li ka etsoa." E bang le tumelo feela. Joale le be le hlompho e tiileng.

³⁷⁴ Ntšoareleng. Ke ne ke shebile Leseli, le potoloha, le haola le moaho. Ke—ke ne ke shebile feela, ua bona.

³⁷⁵ Joale ke batla ho bua le uena nakoana feela. Ekare umotho ea lokileng, ho 'na. Ha re tsebane. [Khaitseli o re, "E, monghali."—Mohl.] Morena o tseba mathata a hau. O a ntseba, o a u tseba. Rona re monna le mosali, re eme mona re kopana, khetlo la rona la pele. Ka Moea, u Mokreste, 'me—"me ke utloa ho thothomela ha moea oa hau, u a tseba, ho haola feela. 'Me kea u tseba hore ha u mohahlauli. U Mokreste, u a bona. Ka hona ke sona seo ke se bolelang, *mohahlauli*, ke ho qhoma feela ho tloha sebakeng ho ea sebakeng, le a tseba. U tsoetsoe labobel, u a

bona, u Mokreste oa sebele. Kea utloa u amohetsoe, u a bona. 'Me Moea o Halalelang mona o amohela moea oo, hobane ke moea oa lesika. Ua bona? Re moena le khaitseli. Ha u a tlela uena mona. U emetse motho e mong. Motsoalle oa hau o tšoenngoa ke khatello ea matemona. U lumela seo? ["Ke a tseba."] Beha sakatuku seo holim'a bona 'me u se belaele, se tla ba lesa. Molimo a u hlohonolofatse.

E ba le tumelo ho Molimo. Lumela feela ka pelō eohle ea hau.

U phela joang, mofumahali? Ha re tsebane.

³⁷⁶ Joale, motho e mong, nqa e 'ngoe. Molimo, e ne e le hokae? Kae-kae har'a letšoelle, motho e mong, ntho e etsahetse. "U e tseba joang, Moena Branham?" Be, ke mpa ke e tseba feela. Ua bona? Ua bona? Ho tšoana le ho rutla bophelo ka ho uena, ua bona. Ntho e 'ngoe e etsahetse. Motho o folisitsoe nqa e 'ngoe. Ha ke tsebe moo e neng e le teng, empa mohlomong O tla mpontša hape.

³⁷⁷ Ha re tsebane, mofumahali. Ha ke u tsebe, empa Molimo o a u tseba. U mona ka morero o itseng, mohlomong bakeng sa motho e mong, mohlomong mabapi le lichelete, tsa lelapa. E ka bang eng, Molimo a ka mpolella. Na u tla e lumela? U tla tseba haeba e le 'nete. O tsoela pele ho ba motho e mocha, tloo mona, pono e robehile bakeng sa mocha. Joale, u lumele ka pelō eohle ea hau, 'me Molimo o tla e aba. Ua bona? Ha nka u bolella, u a tseba ha ke sa u tsebe, e tla tlameha ho tsoa matleng a mohlolo.

³⁷⁸ Le hopola therò ea ka bosiusing bona, seo ke buileng ka sona? [Khaitseli o re, "Ee." —Mohl.] Joale, shebang. Mohlomong, ha nka etsa, joaloka ha Lengeloi leo le ne furaletse ka mokokotlo oa Lona. Joale, ho ka thoeng ha nka furalla, *tjena*, moo u leng teng. Le a bona? Ho lokile. Joale, u mpe—feela u re ho Morena Jesu, "Oho Molimo," pelōng ea hau feela, "senolela Moena Branham lebaka la ka mona, kapa ho hong ka 'na," le ho bona haeba A etsa.

³⁷⁹ E. Ke bona mosali hona joale. O tšoeroe ke bothata ba mala. Ke hantle. Ke mathopa mpeng. Ke 'nete. Mof. Cathan, u ka ea hae joale 'me oa phelisoa, ha u ka e lumela ka pelō eohle ea hau. E-ea u lumela tseleng hau. E lumele.

³⁸⁰ U a lumela na? E ba le tumelo. Na u a elelloa oona Molimo o ngotseng Bibele o tsamaea ka hara kerekana ena e ithobileng mona bosiusing bona, ka hara kopano ena mona?

³⁸¹ Joale, ha re tsebane, le rona, monghali. Ha ke u tsebe, ha ke eso u bone bophelong ba ka. Re basele ka ho phethahetseng. Joale, e a mphokolisa, baheso. Ke e . . .

³⁸² Mofumahali eo ea luttseng morao mono o sokoa mala, o lutse e le oa bobeli ho tloha ka morao, hantle ka lehlakoreng la mola oo mono. E ne e le uena, nakoana e fetileng, ea neng a le holimo mona. Ha u lumela ka pelo eohle ea hau, e tla u lesa.

³⁸³ Ho thoeng ka lesea leo le nang le allergy eo? U a lumela Molimo o tla le folisa? Ke moo. Thoriso! Liabolosi o lahlehetsoe ke hoo. O entse hoo. Molimo a u hlohonolofatse, khaitseli, moena. E ba le tumelo ho Molimo. Ke phetho seo u se hlokang. E tla tlohela lesea. U se ke oa lebala.

³⁸⁴ Ba amme eng? Mofumahali eo o amme eng, bakeng sa lesea la hae? Ha ke tsebe batho bao, ha ke eso ba bone bophelong ba ka.

³⁸⁵ Haeba re sa tsebane, phahamisang matsoho a lo na mono, baheso, moo e leng teng, hoo, leleiti, phahamisa letsoho la hau. Ke hantle.

³⁸⁶ O ne a eme mono, a rapella lesea leo. 'Me Moea o Halalelang oa 'na oa tsamaea ka mono, nqa e 'ngoe. 'Me ka bona moo e neng e le teng, 'me ka bona lesea ka—ka maemo ao. Ke eo moo a leng teng.

³⁸⁷ Lesea le tla fola, khaitseli. U se tšoenyehe. Hobaneng? Ke Leseli la mannete tikolohong eo hona joale. Kea tseba Molimo o arabetsé. Ua bona? E tla tlohela lesea. Kea tseba ho tla itokela. Yaa.

³⁸⁸ E hlaha hohle feela, ho tsoa letšoeleng joale. Eona, u ke ke ua e qoholla. E hohle feela. E pakeng feela. Na ha le lumele ho feta hona joale ho feta kamoo le lumetseng nakoaneng e fetileng? [Phutheho e re, "Amen."—Mohl.] Ehlide. U a bona Ke e . . . E ka etsahalla e mong le e mong oa lona haeba u e lumela feela. Le a bona? E lumele feela.

³⁸⁹ Ntšoarele, mohlomphehi. Ke—ke—ke ne ke sa . . . U a tseba, ha kea itekanelá. Empa feela ke . . . Ke fokola haholo. 'Me ke mpa feela . . .

³⁹⁰ Jesu, mosali e mong o amile seaparo sa Hae, 'me O itse, "Kea lemoha molemo o tsoile," hoo ke, matla. 'Me haeba Èèna, e le Mora oa Molimo, ho ka thoeng ka 'na, moetsalibe ea pholositsoeng ka mohau?

³⁹¹ Joale, monna ke enoa. E ke e etsahalle monna enoa. Joale na le tla lumela bohle? Ho na le motho ea tsebang monna enoa? Motho o teng ea tsebang monna eo, tikolohong ena? Oh, e, monghali. Ho lokile. Joale, u a tseba. Ha re boneng haeba E lokile kapa che. Monna eo ke molata ka botlalo. Ha ke eso 'mone bophelong ba ka.

³⁹² Ha re tsebane ka botlalo ho hang. Empa Moea o Halalelang o ka ntšenolela lebaka la hau mona, kapa seo u se batlang, kapa ntho e 'ngoe ka uena, eo u e tsebang, eo ke tsebang ke sa tsebe letho ka eona, hoo ho tla le kholisa e tlamehile e be e le Moea o Halalelang.

³⁹³ Na e tla kholisa lona bohle, le ho tseba hobane oona Moea o Halalelang o leng teng kantle mona, hape, o ka ho röna bohle?

³⁹⁴ Bothata ba hau ke bothata ba rectum. Ke cyst e ka hare ho rectum. Motho e mong o teng mona ea rapellang hoo, ke mohatsao ka ntle mane. O opeloa ke hlooho e phehellang, ka linako tsohle. Ke hantle. U na le ngoana mono, hape. Ke hantle. U a lumela Molimo a ka mpolella bothata ba ngoana eo? [Moena o re, "Ee."—Mohl.] Ke maemo a mali. U a lumela Molimo a ka mpolella na u mang? ["Ee."] Na u tla ntumela? U moreri. ["Ee."] U Mor. Mongh. Mann. ["E."] E-ea hae, u fole.

³⁹⁵ U lumela ka pelō eohle ea hau? Rorisa Molimo feelsa.

³⁹⁶ U a lumela, mofumahali, ka pelo eohle ea hau, u lutse mono? U a lumela? Tsamaea, u je lijo tsa hau tsa mantsiboea. Bothata ba hau ba mala bo tla u lesa, 'me u tla itokela.

³⁹⁷ Le bothata ba hau ba mokokotlo bo nyametse, khaitseli, u tle u khone ho tsamaea ka phaposing, le ho lumela ka pelo eohle ea hau hore Molimo o tla u phekola. U a e lumela? [Khaitseli o re, "Ee."—Mohl.] Ikele feelsa, u hooeletse, 'me u re, "Ho bokoe Morena!" Ho lokile, ka pelō eohle ea hau.

³⁹⁸ Methapo ke ntho e mpe, empa Molimo a ka e folisa. Na u lumela seo? Tloha feelsa, u nyakaletse, u ntse u re, "Kea U leboha, Morena." Molimo o a e phekola.

³⁹⁹ Mala a khale a u tšoenya? Tloha, u je, Jesu Kreste o a u phelisa. E ba le tumelo.

Mokokotlo oa hau o a u hlopha. Ha ho joalo? [Motho eo o re, "E."—Mohl.] E-ea, lumela. Jesu Kreste o a u phelisa. E ba le tumelo.

⁴⁰⁰ Linerefe? Ho lumela Molimo o tla u folisa? [Motho eo o re, "E."—Mohl.] Tloha, u fole ka Lebitso la Jesu.

⁴⁰¹ Le bona seo ke se bolelang? Na Jesu Kreste e sa ntse e se eena maobane, kajeno, le kamehla?

⁴⁰² Joale, Jesu o itse, "Ea lumelang ho 'Na, mesebetsi eo Ke e etsang o tla e etsa le eena." Na ho joalo? Joale, na Jesu o boletse sena: "Mehlolo e tla tsamaea le ba lumelang ke eona ena"? Ke balumeli ba bakae mona? Ho lokile.

⁴⁰³ Ba bakae ba batlang ho folisoa? Phahamisang matsoho a lōna. Le ntano beana matsoho holimō. Le balumeli. Ke hantle. O boloka Lentsoe la Hae. Lea e lumela na? Ha u ka e lumela, u tla bona ntho e 'ngoe e etsahala eo u eso e bone pele, ha u ka e lumela.

⁴⁰⁴ Joale inamisang lihlooho tsa lōna. Beha... U se ke ua ithapella, rapella motho eo u 'mehileng matsoho. Rapela joale, ka botšepehi. Lumela, ka botšepehi. Beha motho e mong matsoho u rapele. Joale ke tilil'o rapela, mona.

⁴⁰⁵ Ntate oa Leholimo, re tla ka Lebitso la Morena Jesu. Re tla hobane Lentsoe la Hau le tiisitsoe. Thomo e a tiisoa. Jesu Kreste, Mora oa Molimo, o ka pel'a sefahleho sa rōna, ka sebopheho sa

Moea o Halalelang. Oho Molimo, bana ke batho ba Hau. Ba a sotleha. Satane o ba tlammé. Ba tseba hore U teng mona. Tiiso ea Boteng ba Hau e teng mona, Jesu Kreste, eena maobane, kajeno, le kamehla.

⁴⁰⁶ Satane, u hlotsoe ke ntoa. Tsoa ho bona, Satane, ka Lebitso la Jesu Kreste. Ke u laela ho tsoa letšoeleng lena le ho tsoa bathong bana, ba tle ba lokolohe, ka Lebitso la Jesu Kreste.

⁴⁰⁷ Haeba u e lumela, ema ka maoto a hau 'me u rorise Molimo. Ke oona mohopolo. Ke eona. Phahamisang matsoho a lona le Mo rorise. E tiisisitsoe! Ipolele 'me u lumele hoba pholiso ea hau e tlide. 

62-0122 Netefatso Ea Thomo
Assembly Of God
Tempe, Arizona U.S.A.

SOUTH SOTHO

©2024 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangelia ea Jesu Kreste. Buka ena e ke ke ea rekisoa, ea boela ea hlahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org